

四庫全書

集部

欽定四庫全書

集部

蘇詩補註卷十五

詳校官庶吉士臣李傳熊

檢討臣何思鈞覆勘

總校官原任中允臣王燕緒

校對官中書臣牛稔文

謄錄監生臣袁繼升

欽定四庫全書

蘇詩補註卷十五

翰林院編修查慎行撰

古今體詩六十三首

起熙寧十年丁巳正月自家州至京師四月後赴徐州任盡一

年
作

除夜大雪留濰州元日早晴遂行中途雪復作

除夜雪相留元日晴相送東風吹宿酒瘦馬兀殘夢
曉光開旋轉餘花弄下馬成野酌佳哉誰與共須臾
晚雲合亂灑無缺空鵝毛垂馬駿自怪騎白鳳三年東

方早逃戶連歌棟老農釋耒嘆淚入饑腸痛春雪雖云
晚春麥猶可種敢怨行役勞助爾歌飯甕

濰州

許慎說文濰水出瑯琊箕山亦名濰山太平寰宇記青州北海縣隋置濰州宋建隆五年建為

北海軍西至東京一千三百二十里東南至密州界七十五里曾鞏隆平集云乾德二年以北海軍為濰州與太平寰宇記不合未詳孰是 騎白鳳 孫光憲北夢瑣言沈詢除節旄曹唐作詩云玉詔新除沈侍郎便分茅土領東方不知今夜游何處侍從皆騎白鳳皇不知者槩以為游仙詩

大雪青州道上有懷東武園亭寄交代

一本無交代二字

孔周翰

超然臺上雪城郭山川兩奇絕海風吹碎碧琉璃時見
三山白銀闕蓋公堂前雪綠窗朱戶相明滅堂中美人
雪爭妍粲然一笑玉齒頰就中山堂雪更奇青松怪石

亂瓊絲惟有使君游不歸五更上馬愁斂眉君不見

施氏

原本

作是淮西李侍中夜入蔡州縛取吳元濟又不見

施氏原本

是作襄陽孟浩然長安道上騎驢吟雪詩何當閉門

一作戶

飲美酒無人毀譽河東守

青州

元和郡縣志青州北海郡齊營丘漢為臨淄唐武德二年改青州置總管府東至密州三百三

十里太平寰宇記唐乾元中升平盧軍節度

交代

後漢書傅燮為漢陽太守初范津舉燮孝廉及

為漢陽與燮交

超然臺

注見前

蓋公堂

本集蓋公堂記畧云曹參為齊

代合符而去

相避正堂以舍蓋公吾為膠西守知公為是邦人也求其墳墓子孫不可得慨然懷之治新寢於黃堂之北重門洞開盡城之南北相望如引繩名之曰蓋公堂時從賓客僚吏游息其間而不敢居以待如公者

馮山堂

本集山堂銘序云熙寧九年六月大雨野人來告故東武城中溝瀆圯壞亂石無數取而

儲之因守居之北牖為山且開新堂北向以寓目馮銘詞有因廡為堂踐城為山之句

至濟南李公擇以詩相迎次其韻二首

敝裘羸馬古河濱野濶天低糝玉塵自笑餐毡典屬國

來看換酒謫仙人
宦游到處身如寄
農事何時手自親
刺作新詩與君和
莫因風雨廢鳴晨

濟南

元和郡縣志漢分齊郡立濟南國後為郡晉永嘉之後移理歷城即今理也于欽齊乘云漢濟

南國元魏改為齊州天寶中改濟南郡宋書地理志厚陵以齊州防禦使入繼升節度。慎按淮海集中李公擇墓志云神宗初為右正言力詆新法落職通判滑州歲餘徙知湖州遷尚書祠部員外郎徙知齊州東坡離密正公擇知齊州時也宋史及東都事畧本傳俱失載以公詩考之與墓志正合

王塵

何遜雪詩若逐微

風起誰言非玉塵

夜擁笙歌雪水濱
回頭樂事總成塵
今年送汝作太守

到處逢君是主人聚散細思都是夢身名漸覺兩非親
相從繼燭何須問蝙蝠飛時日正晨

笙歌雪水濱

本集定風波詞序云余昔與張子野劉孝叔李公擇陳令舉楊公素會於吳興

時子野作六客詞其卒章云盡道賢人隱吳分試問也應旁有老人星凡十五年再過吳興而五人者皆矣

和孔君亮郎中見贈

偶對先生盡一尊醉看萬物洶崩奔優游共我聊卒歲
骯髒如君合倚門只恐掉頭難久住應須傾蓋便深論

固知嚴勝風流在又見長身十世孫

公自注幾字君嚴弟戡字君勝退之

志其墓云孔世三十八吾見其孫白而長身今君亮四十八世矣

孔君亮

事跡失考樂城集有孔君亮郎中新葺闕里西園棄官而歸七律一首亦宣聖後裔也

掉頭傾蓋

按此詩後半首皆用孔姓事掉頭不肯住孔巢父也出杜詩孔子與程子傾蓋而語

出家語

慎按以上五首施氏原本編上卷之末今計

年改編

顏樂亭詩

并序

顏子之故居所謂陋巷者有井存焉而不在顏氏久矣膠西太守孔君宗翰始得其地浚治其井作亭於其上命之曰顏樂昔夫子以簞食瓢飲賢顏子而韓子乃以為哲人之細事何哉蘇子曰古之觀人也必於小者觀之其大者容有偽焉人能碎千金之璧不能無失聲於破釜能搏猛虎不能無變色於蜂蠆孰知簞食瓢飲之為哲人之大事乎乃作顏樂亭詩以遺孔君正韓子之說且用以自警云

天生蒸民為之鼻口美者可嚼芬者可臭美必有惡芬
必有臭我無天游六鑿交鬪驚而不返跬步商受偉哉
先師安此微陋孟賁股栗虎豹於走渺然其身中亦何
有我求至樂千載無偶執瓢從之忽焉在後

慎按此詩施氏原本不載今從新刻續補下
卷因人移編又司馬君實有顏樂亭頌李邦
直有顏樂亭銘不具錄

送范景仁游洛中

小人真闇事閒退豈公難道大吾何病言深聽者寒憂
時雖早白駐世有還丹得酒相逢樂無心所遇安去年
行萬里蜀路走千盤投老身彌健登山意未闌西游為
櫻筍東道盡鷓鴣杖屨攜兒去園亭借客看折花斑竹
寺弄水石樓灘鸞馬衰憐白鷺雷怯笑韓辭書標洞府

公自注歐陽永叔嘗游嵩山日暮於絕壁上

松蓋偃天

見苔蘚成文云神清之洞明日復尋不見

壇試與劉夫子重尋靖長官

公自注劉几云曾見人嵩山幽絕處眼光如貓意其

為靖長官也又送喬全詩引云
靖長官唐末五代人得道不死

范景仁

東都事畧范鎮字景仁成都華陽人舉進士英宗朝以學士出知陳州神宗即位復還翰

林知通進銀臺司王安石改常平為青苗法鎮三上
既爭之不報時年六十三即上言臣言不行無顏立
於朝請致仕上表謝曰臣雖乞身而去敢忘憂國之
心望陛下集羣議為耳目以除壅蔽之嫌任老成為
腹心以養和平之福天下聞而壯之本集范蜀公墓
志云熙寧中極論新法之害安石大怒自革制極口
詆公落職翰
林學士致仕憂時早白墓志又云仁宗即位三十五
年未有繼嗣公上疏請擇宗
室賢者以繫天下心聞者為之股栗
待罪百餘日章十九上鬚髮為白

蜀路走千盤

司馬

溫公詩詰范景仁年六十三致仕一朝思鄉里遂輕
行入蜀至成都日與鄉人飲樂散財於親舊之貧者
遂游峨眉山青城山
石樓灘洛陽伽藍記城東門曰
凡期歲乃還京師建春門門外有石樓穀

水周圍統城至建春門外東入陽渠

天壇

太平寰宇記天壇山在河南府澠池縣東北一名壇屋山

高五百尺

靖長官

曾慥集仙傳云應靖不知何許人唐僖宗時為登封令既而棄官學

道遂仙去隱其姓而以名顯故世謂之靖長官元祐

中劉几常過於嵩高山中又張師正括異志靜長官

真定人登明經第一一旦棄妻子游名山數年不歸

洛下有靳襲者於其家常設一榻枕褥甚潔云以待

靜長官靜今隱嵩少間歲或一再至

靳氏以神仙事之靖與靜未知孰是

烏臺詩案熙寧十年二月三日范鎮往西京軾作詩

送之軾昨知密州得替到闕城外借得范鎮園安泊

鎮鄉里世舊也其詩除無譏諷外云小人真閭事間

退豈公難意以諷今時小人以小才而享大位暗於

事理以進為榮以退為辱范鎮前為侍郎難進易退

小人不知也又云言深聽者寒軾謂鎮舊日多論時

事其言深切聽者為恐意言鎮當時所言皆不便事也九月三十日在臺准問目供出其詩不係降到冊內子

附子由次韻

尋山非事役行路不應難
洛浦花初滿嵩高高雪尚
寒平林抽凍筍竒艷變山丹
節物朝朝好肩輿步
步安醪釀釀臘酒首薦薦
朝盤得意忘春晚逢人
語夜闌歸休三黜柳賦咏
五噫鸞鶴老身仍健瀉
飛世共看雲程忽千里
世路脫重灘西望應思蜀

東還定過韓平川
涉清潁絕頂上封壇
出處看公意
令人欲棄官

次韻景仁留別

公老我亦衰
相見恨不數
臨行一杯酒
此意重山嶽
歌詞白紵清
琴弄黃鐘濁
詩新眇難和
飲少僅可學
欲參兵部選
有力誰如犖
且作東諸侯
山城雄鼓角
南游許過我
不憚千里邈
會當聞公來
倒屣髮一作握三

京師哭任遵聖

十年不還鄉兒女日夜長豈惟催老大漸復成凋喪每
聞耆舊亡涕泣聲輒放老任况竒逸先子推輩行文章

得少

一作
小得

譽詩語尤清壯吏能復所長談笑萬夫上自

喜作劇縣偏工破豪黨奮髯走猾吏嚼齒對姦將哀哉
命不偶每以才得謗竟使落窮山青衫就黃壤宦游久
不樂江海永相望退耕本就君時節相勞餉此懷今不
遂歸見纍纍葬望哭國西門落日銜千嶂平生惟一子
抱負珠在掌見之齟齬中已有食牛量他年如入洛生

鞦

胡安切

龍顛鳳頸獐

茗漢叢話作矯

且妍竒姿逸德隱鷲頑碧

眼胡兒手足鮮歲時翦刷供帝閑

茗漢叢話作赫

袍臨池侍

三千紅粧照日光流淵樓下玉螭吐清寒往來感踏生

飛湍衆工舐筆和朱鉛先生曹霸弟子韓厖馬多肉尻

空刀切

雕音誰

圓肉中畫骨誇尤難金羈玉勒繡羅鞍鞭筆

刻烙傷天全不如此圖近自然平沙細草荒芊綿驚鴻

脫兔爭後先王良挾策飛上天何必俛首服短轅

韓幹牧馬圖

名畫記幹大梁人西陽雜俎云藍田人唐朝名畫錄以為京兆人未詳孰是名

畫錄幹天寶中名入供奉能狀飛龍之質國噴王之
奇開元後外國名馬重譯累至明皇擇其良者與中
國之駿同頒畫寫之陳閔貌之於前韓幹繼
之於後寫渥注之狀若在水中幹居神品矣

分屯隘

秦川

元和郡縣志秦城在隴州汧源縣東西二十五里秦非子養馬汧渭之間周孝王封為大夫貞

觀中自京師東赤岍澤移馬牧於秦渭二州之北置
監牧使掌其事南使在原州西南一百六十里西使
在臨洮軍西二百二十里北使寄理原州城內東使
寄理原州城外天寶中諸使共五十監監牧地東西
約六百里南四十萬匹名畫記明皇好大馬御廐至
北約四百里四十萬匹遂有沛艾大馬西
域大馬骨力追風毛彰照
地不可名狀號木樞馬
曹霸
名畫記曹霸魏曹髦
御馬及功臣又云韓幹初
師曹霸其後遂獨自擅

烏臺詩案熙寧十年二月初一日王詵送到簡帖約來日出城外四照亭中相見次日詵與詵相見令姨媪六七人斟酒下食有倩奴問詵求曲子遂作洞仙歌一首喜長春一首與之次日王詵送韓幹畫馬十二匹共六軸求軾題跋不合作詩云王良挾策飛上天何必俛首服短轅意以騏驥自比譏諷執政大臣無能盡我之才如王良之能御者何必折節干求進取也其詩即不係朝旨降到冊子內

送魯元翰少卿知衛州

兄士無處著寄身范公園桃李忽成陰薺麥秀已繁閉
門春晝永惟有黃蜂喧誰人肯携酒共醉榆柳村髯卿
獨何者一月三到門我不往拜之髯來意彌敦堂堂元

老後疊疊仁人言憶在錢塘歲情好均弟昆時於冰雪
中笑語作春溫欲飲徑相覓夜開叢竹軒搜尋到篋笥
鮓醞無復存每愧烟火中玉腕親炮燔別來今幾何相
對如夢魂告我當北渡新詩侑清樽坡陀太行麓洶湧
黃河翻仕宦非不遇王畿西北垣斯民如魚耳見網則
驚奔皎皎千丈清不如尺水渾刑政雖首務念當養其
源一聞孺袴音盜賊安足論

魯元翰

宋史魯有開傳自南康軍代選出通判杭州
知衛州徙冀州增河堤時朝廷遣使河北必

逸道誦有開功狀名為膳部郎中元祐中歷知洛滑二州官至中大夫

衛州

元和郡縣志河北道

衛州汲郡即殷牧野之地漢為汲縣魏孝靜帝於汲縣置義州周武帝改為衛州

范公園

景

仁東園也本集與黎希聲尺牘云向自密將赴河中至陳橋受命改差彭城便欲赴任以兒子娶婦暫留

城東景元老宋史魯宗道字貫之亳州譙人真宗朝仁園中為右正言直龍圖閣仁宗立拜諫議大

夫參知政事在政府七年卒謚剛簡有開之從父也用其蔭入官

太行麓

名勝志衛輝府輝縣

西北與太行山連接

黃河

元和郡縣志黃河自新安縣界流入經汲縣南謂之練津亦謂之石津濟

太平寰宇記黃河自津鄉縣界流入又自縣西南敦留村東南流入胙城漢河堤北

王畿西北

垣太平寰宇記衛州東南至東京一百三十五里

次韻子由送蔣夔赴代州學官

功利爭先變法初，典刑獨守老成餘。
窮人未信詩能爾，倚市懸知繡不如。
代北諸生漸狂簡，牀頭雜說為爬梳。
歸來問雁吾何取，疾世王符解著書。

代州學官

九域志河東路代州雁門郡宋乾德元年為上州治雁門縣宋史職官志慶歷四年

始詔軍州監各立學置教授訓導諸生委運司及長吏於州縣幕職或本處舉人有德藝者充熙寧中始命於

變法初

宋史王安石傳釋訓詩書周禮頒之號曰新義主司純用取士士莫得自名一

經先儒傳註

一切廢不用

附子由原作

憶遊太學十年初，猶見胡公豈弟餘。
徧閱諸生非有道，最憐能賦似相如。
青衫共笑方持板，白髮相看各滿梳。
暫免百憂趨長吏，勉調三寸事新書。

宿州次韻劉涇

我欲歸休瑟漸希，舞雩何日著春衣。
多情白髮三千丈，無用蒼皮四十圍。
晚覺文章真小技，早知富貴有危機。
為君垂涕君知否，千古華亭鶴自飛。

公自注涇之兄
汴亦有文死矣

宿州

元和郡縣志徐州符離縣元和四年始置宿州太平寰宇記元和中以徐州符離之地南臨汴

河有通橋為舳舻之會襟帶梁宋漕運乃以符離蘄

縣虹縣三邑立宿州開寶元年陞為保靜軍節度北

至徐州一百四十里劉涇東都事畧劉涇字巨濟簡州陽安人

討久之為太學博士罷知咸陽縣常州教授歷國子

監丞知虔競貞坊四州元符末除職方郎中卒為文

務奇怪語好進取多為人排斥晁公武讀書志劉巨

濟前溪集五卷為文頗奇怪。按樂城集涇時為宿

州教授而本傳云

常州未詳孰是垂涕本集與劉巨濟書云賢凡文

舊文不覺垂涕云云詩中有富貴危機之語又引華

亭鶴乃陸機臨刑事若不得其死者而他無可考

附子由作

此身雖復類潛夫，衰老無心強著書。
道路不知奔走賤，交游空怪往還疎。
絃歌更就三年學，簿領惟添一味愚。
他日相逢定何處，莫將文彩笑空虛。

和李邦直沂山祈雨有應

高田生黃埃，下田生蒼耳。蒼耳亦已無，更問麥有幾。
蛟龍睡足亦解慙，二麥枯時雨如洗。不知雨從何處來，但

聞呂梁百步聲如雷。試上城南望城北，際天菽粟

茗溪叢話

作青成堆，饑火燒腸作牛吼。不知待得秋成否，半年不

雨坐龍慵共

苔溪叢話作但

怨天公不怨龍今朝一雨聊自贖

苔溪叢話作何足道

龍神社鬼各言功無功日盜太倉穀

苔溪叢話作粟

嗟我與龍同此責勸農使者不汝容因君作詩先自劾

沂山祈雨

元和郡縣志沂山在沂水縣北一百二十里齊乘云周禮青州其山鎮曰沂山注云

沂水所出即公玉帶請漢武帝所封之東泰山也山半有東鎮東安王廟石刻神像又云翁婆廟即沂山

之神歷代封祀有典

呂梁百步

徐州二洪也注別見

勸農使者

時邦直為京東提刑

按職官分紀天禧二年改諸路提刑為勸農使

烏臺詩案熙寧十年軾知徐州日六月內李清臣因沂山禱雨有應詩寄軾云云軾作詩一首與清臣除

無譏諷外不合言神龍慵懶不行而却使人心怨天
公以諷大臣不任職不能變理陰陽却使人怨天子
以天公比天子以神龍社鬼比執政大臣及百職事
軾自言無功竊祿與龍無異當時送與李清臣來相
謁戲笑言承見示詩只是
勸農使者不管恁地事

附李邦直原作

此詩從茗溪漁
隱叢話采錄

南山高稜層北山亦嶠崿坐看兩山雲出沒雲行

如驅歸若呼始覺山中有靈物鬱鬱其焚蘭罩罩

茗溪叢話

其擊鼓祝屢祝

茗溪叢話
作歌

巫屢舞我民無

罪神所憐一夜雷風三尺雨嶺木兮蒼蒼溪水兮

泱泱雲散諸峰互
明滅東阡西陌農
事忙廟閉山
空音響絕

附子由和

宿雪雖盈尺不救春夏旱
吁嗟徧野天不聞歌舞
通宵龍一戰旋開雲霧布
旌旗復遣雷霆助舒卷
雨聲一夜洗塵埃流入溝
河朝不見但見青青黍
與禾老農起舞行人歌
汗邪滿車尚可許供輸
到骨期無他水行天地有
常數歲歲出入均無頗半

年分已厭枯槁及秋更恐憂滂沱誰能且共蛟龍
語時布甘澤無庸多

徐州送交代仲達少卿

此身無用且東來賴有江山慰不才舊尹未嫌衰廢久
清尊猶許再三開滿城遺愛知誰繼極目扁舟挽不回
歸去青雲還記否交游勝絕古城隈

仲達

本集題跋云詩人戴仲達嘗從歐陽文忠公游不知即其入否

慎按此詩施氏原本不載外集編第五卷題

上有徐州二字今据此從續補下卷移編

和孔密州五絕

即孔宗翰
註見前

見邨家園留題

大旆傳聞載酒過小詩未忍着磚磨陽關三疊君須秘

公自注來詩
有渭城之句除却膠西不解歌

陽關三疊

本集雜記云舊聞陽關三疊余在密州有
文勛長官者自云得古陽關本每句皆再

唱而第一句不疊乃唐本三疊蓋如此及在黃州讀
樂天詩云相逢且莫推辭酒聽唱陽關第四聲注云
第四聲勸君更盡一杯酒以此驗之若第一句疊則
此句為第五聲矣今為第四聲則第一句不疊審矣

太平寰宇記陽關在沙州壽昌縣西六里以居玉門關之南故曰陽關本漢置謂之南道玉門關謂之北道皆西域門戶程大昌雍錄云唐世多事西域故行役之極乎西境者以出陽關為言也既渡渭以及渭城則西北向而趨玉門陽關皆由此始

春步西園見寄

歲歲開園成故事年年行樂不辜春今年太守尤難繼
慈愛聰明惠利人

開園

宋湖州守每歲二月開園散父老酒食

東欄梨花

梨花淡白柳深青
柳絮飛時花滿城
惆悵東欄二

一本作一

株雪人生看得幾清明

和流杯石上草書小詩

蜂腰鶴膝嘲希逸
春蚓秋蛇病子雲
醉裏自書醒自笑
如今二絕更逢君

流杯

注見上卷

堂後白牡丹

城西千葉豈不好
笑舞春風醉臉丹
何似後堂冰玉潔

遊蜂非意不相干

公自注孔頗有聲
妓而客無見者

和趙郎中見戲二首

公自注趙以徐妓不如東武
詩中見戲云只有當時燕子

樓

燕子人亡三百秋捲簾那復似揚州西行未必能勝此

空唱崔徽上白樓

慎按先生在密州就差知河中府未赴而改知徐州
蓋徐在密之東南河中在密之東北故前詩云此身
無用且東來此云西行未必能勝此言向使赴河中
亦未必便勝徐州也崔徽河中娼妓故借作解嘲語

我擊藤牀君唱歌明年六十奈君何

公自注趙每醉歌
畢輒曰明年六十

矣
醉顛只要裝風景莫向人前自洗磨

次韻子由與顏長道同遊百步洪相地築亭種柳
平明坐衙不暖席歸來閉閣閒終日臥聞客至倒屣迎
兩眼蒙籠餘睡色城東泗水步可到路轉河洪翻雪白
安得青絲絡駿馬蹙踏飛波柳陰下奮身三丈兩蹄間
振鬣長鳴身自乾少年狂興久已謝但憶嘉陵繞劍關
劍關大道車方軌君自不去歸何難山中故人應大笑
築室種柳何時還

百步洪

名勝志百步洪在徐州城東南二里水中
若有限石懸下迅急亂石激濤凡數里

顏

長道

宋史顏復字長道魯人顏子四十八世孫父太
初以名儒為國子監直講嘉祐中試中書第一

賜進士為校書郎熙寧中為國子直講坐王安石罷
元祐初起太常博士累遷中書舍人兼國子祭酒以
疾改天章閣待制卒年
五十七子歧門下侍郎劍關元和郡縣志劍關道其
山峭壁千丈下瞰絕壑
飛閣以通行旅太平寰宇記小劍城在利州益昌縣
西南五十里諸葛武侯於此立劍門以大劍山至此
為險隘
之路也

附子由原作

樂城集題云陪
子瞻遊百步洪

城東泗水平如席城頭遠山銜落日輕舟鳴櫓自

生風渺渺江湖動顏色中洲過盡石縱橫南去清
波頭盡白岼邊怪石如牛馬銜尾舳艫誰敢下沒
人出沒須臾間却立沙頭手足乾客舟一葉久未
上吳牛回首良間關風波蕩潏未可觸歸來何事
嘗艱難樓中吹笛暮烟起出城騎火催君還

附舒堯文次韻

此篇從烏臺
詩案采出

先生何人堪並席李郭相逢上舟日殘霞明滅日

脚沉水面浮雲

苔溪叢
話作光

天一色磷磷石若鏡林兵

翻激奔衝精甲白
岼頭旂幟

苔溪叢話
作旌旗

簇五馬一

櫓飛艫信天下
入夜寒生波浪間
汗衣始逐秋風

乾相忘河魚互
出沒得性沙鳥鳴
聞關委蛇二龍

乃神物游樂諸溪

疑有
誤字

誠為難築亭種
柳恐不暇

天下雷雨須公還

烏臺詩案熙寧十年知徐州日觀百步洪作詩一首
有本州教授舒煥字堯文和詩云云上件詩意無識
諷

次韻李邦直感舊

騶騎傳呼出跨坊簿書填委入充堂誰教按部如何武
只許清尊對孟光婉婉有時來入夢溫柔何日聽還鄉
酸寒病守尤堪笑千步空餘僕射場

騶騎跨坊

唐書鄭畋傳畋時宰相騶呵聯數坊呵止行人畋救導者止百步

孟光

慎

施氏原註前段殘脫不全大約謂孫巨源有少女東坡謂欲擇婿無如邦直巨源首肯卒以歸之故此詩有清尊對孟光之句巨源女此時或已歸邦直矣然考李清臣本傳稱其自幼敏悟韓琦以兄子妻之則邦直元配為韓當是韓已娶而巨源之女為繼室耳
按部 邦直時為京東提刑子由在徐與邦直唱和詩自注云時邦直將出
僕射場 太平寰宇記繼場後園在徐州城角
巡青州故有按部之句

韓退之為張僕射節度

推官屢以擊毬為諫

與梁先舒煥泛舟得臨釀字二首

彭城古戰國孤客勸登臨
汴泗交流處清潭百丈深
故人輕千里繭足來相尋
何以娛嘉客潭水洗君心

梁先

字吉老見本集

舒煥

字堯文時為徐州教授見烏臺詩案

彭城古戰國

水經

注彭城殷大夫老彭之國也於春秋為宋地成十八年楚伐宋并之以封魚石雀季珪述初賦報黃公於邳圯勒魚石於彭城即是處矣本集上神宗書曰徐州為南北之襟要而京東諸郡安危所寄也其地三面被山獨其西平川數百里西走梁宋其城三面阻水以汴泗為池漢高祖沛人也項羽宿遷人也劉裕

彭城人也朱全忠碭山人也皆在今州數百里間耳
名勝志秦始皇置彭城縣屬泗水郡漢高祖改泗水為
沛郡又分沛郡立沛泗交流水經注泗水又南淮水
楚國後因置徐州入馬經彭城縣故城名
勝志泗水源出山東泗水縣南流過沛縣至徐州東
北合汴水循城東南達淮汴水自河南浚儀縣界東
流過蕭縣至州城東北與泗水合
二水匯而為潭極深有龍居之

老守厭簿書先生罷函文風流魏晉間談笑羲皇上河

洪一作忽已過水色綠可釀君無輕此樂此樂清且放

次韻答邦直子由五首

簿書顛倒夢魂間知我踈慵肯見原閒作閉門僧舍吟

臥聞吹枕海濤喧，忘懷杯酒逢人共。引睡文書信手翻。

欲吐狂言喙三尺，怕君嗔我却須吞。

公自注邦直屢以此見戒

城南短李好交遊，箕踞狂歌不

苦溪叢話作總

自由尊主庇民

君有道樂天知命，我無憂醉呼妙舞留連夜。

公自注邦直家中舞

者甚妙聞作清詩斷送秋，瀟灑使君殊不俗。尊前容我攬

鬚不

以上二首邦直原韻

附李邦直原作一首

邦直原唱應有二首，今從烏臺詩案。苦溪叢話采得一首。

東來嘗恨

苦溪叢話作嘆

少朋游得遇高人，蘇子由已誓

不言天下事相看俱遣世間憂
新詩定及三千首
曩別幾成二十秋
南省都臺風雪夜
問君還記劇談不

附子由二首

樂城集原題云李邦直見
邀終日對臥南城亭上

一徑陂陀草木間
孤亭勝絕俯川原
青天圖畫四山合
白晝雷霆百步喧
烟柳蕭條漁市遠
汀洲蒼莽白鷗翻
客舟何事來匆草
逆上波濤吐復吞

東來無事得遨遊
奉使清閒亦自由
撥棄簿書成

一飽留連語笑失千憂舊書半卷都如夢清簾橫
眠似欲秋聞說歸朝今不久塵埃還有此亭不

老弟東來殊寂寞故人留飲慰酸寒草荒城角開新徑
雨入河洪失舊灘車馬追陪迹未掃唱酬往復字應漫
此詩更欲憑君改待與江南子布看

城角

水經注淮泗之
會即城角也

君雖為我此遲留別後淒涼我已憂不見便同千里遠
退歸終作十年游恨無揚子一區宅懶臥元龍百尺樓

聞道鷓鴣滿臺閣網羅應不到沙鷗

以上二首
子由原韻

附子由原作一首 缺一首

真能一醉逃煩暑定勝三盃禦臘寒自有詩書供
永日莫將絲竹亂風灘舞雩何處歸春暮叩角誰
人怨夜漫聞道丹砂近有術錙銖稱火共君看

慎按樂城集次韻邦直見答共二首其第二
章即五斗塵勞尚足留也烏臺詩案胡仔茗
溪漁隱叢話吳曾能改齋漫錄載此詩俱係

東坡作子由當別有鷗字韻一首而今已逸

編集者訛以坡詩充數不可不辨

附李邦直一首

邦直詩亦應有二首今從烏臺詩案采得一首

匙飯盤蔬強少留相逢何物可消憂
緣君未得酒中趣與我漫為方外遊
草亂不容移馬跡山雄全欲逼城樓
濟時異日須公等莫狎翩翩海上鷗

五斗

烏臺詩案作五十

塵勞尚足留閉關

能改齋漫錄作門

却欲治幽

憂羞為毛遂囊中穎未許朱雲

施氏補註本作龍逢者訛

地下遊無

事會須成好飲思歸時欲賦登樓羨君幕府如僧舍日

向城南

能改齋漫錄作西

看浴鷗

烏臺詩案與李清臣干涉事清臣答弟鞬二首於詩後批云可求子瞻和其詩云匙飲盤蔬強少留云云軾却作二首和清臣其內一首云五十塵勞尚足留云云朱雲漢成帝時乞斬張禹成帝欲誅之雲曰臣得從龍逢比干游足矣龍逢夏桀臣比干商紂臣皆由諫而死軾為屢言新法不便不蒙施行以朱雲自比意至明之世無誅戮之事故言軾未許與朱雲地下游王粲是魏武時人因天下亂離故桀在荊州依托作登樓賦賦中有懷鄉思歸之意軾為屢言新法不便不蒙施行有罷官懷鄉之意亦欲作此賦也軾又用韻與李清臣六首內一首云城南短李好交游云云清臣再次元韻有一首云東來常恨少朋游云

慎按烏臺詩案先生與邦直子由唱和原有
八首諸刻本止存四首施氏補註采入五斗
塵勞尚足留一首止有前四句今從能改齋
漫錄抄補僅足五首之數尚逸其三又按第
五首亦見藥城集中考詩案確是坡作并為
辨正

再附子由次韻四首

城頭棟宇恰三間楚望淒涼弔屈原雨洗山川百
里淨風吹笑語一城喧鄉書莫問經時絕歲事初
驚片葉翻南近清淮鱸膾好釣筒時問有潛吞

謬將踈野託交遊平日論心亦有由科第聯翩叨
舊契利名踈濶少新憂清談已覺忘朱夏濁酒先
防虐素秋多病無聊惟有睡頻頻詩句未嫌不

野鶴應疑鳧雁苦夏蟲未慣雪霜寒隱居顏氏終
安巷垂釣嚴生自有灘破宅不歸塵可掃下田初

種水應漫退耕尚作悠悠語拙宦猶須步步看
欲作彭城數月留谿山勸我暫忘憂城頭準擬中
秋望臺上遷延九日遊嵐氣雨餘侵近郭江聲風
送隱危樓汀洲聚散知誰怪且學漂浮水上鷗

司馬君實獨樂園

青山在屋上流水在屋下中有五畝園花竹秀而野花
香蘂杖履竹色侵杯棹樽酒樂餘春棋局消長夏洛陽
古多士風俗猶爾雅先生臥不出冠蓋傾洛社雖云與

衆樂中有獨樂者才全德不形所貴知我寡先生獨何

事四海

烏臺詩案作方

望陶冶兒童誦君實走卒知司馬持此

欲安歸造物不我捨名聲遂吾輩此病天所赭撫掌笑
先生年來效啞啞

司馬君實

施氏原注新刻刪去今補錄司馬文正公字君實其先河內人後家陝州夏縣涑水

鄉中進士甲科仁宗擢知諫院始發大議乞立宗子為後韓忠獻因其言遂定大計事英宗神宗為翰林學士御史中丞王介甫為相始行新法首言其害以身爭之當時士大夫不附介甫者皆倚以為重拜樞密副使以言不行不受命除端明學士出知永興軍力乞歸以為留司御史臺提舉崇福宮間居十五年

自號迂叟及資治通鑑成加資政殿學士哲宗即位
宣仁簾聽入臨京師民擁其馬至不得行遮道呼曰
公無歸洛留相天子活百姓衛士見公皆以手加額
遂起為門下侍郎拜左僕射為政一年疾病半之而
設施措注凜凜乎向至治矣元
獨樂園 李格非洛陽
祐元年薨於位贈太師溫國公
名園記獨樂
園極卑小不可與他園班其曰讀書堂者數椽屋澆
花亭弄水種竹軒尤小公自為記元城語錄溫公居
洛於園子監之側得故營地創獨樂園自傷不得與
衆同也以當時君子自比伊周孔孟公乃以種竹澆
花等事自比於唐晉間人以救其敝公自撰獨樂園
記畧云熙寧四年迂叟始家洛六年買地二十畝於
尊賢坊北闕以為園中有堂曰讀書堂堂北為沼沼
有廬曰釣魚庵沼北曰種竹齋沼東曰采藥園園南
為六欄欄北曰澆花亭又於園中築臺
作屋曰見山臺合而命之曰獨樂園
五畝 白居易
池上篇

十畝之宅
五畝之園

洛社

唐詩紀事白居易以刑部侍郎致仕居洛愛香山之勝與僧如滿結社於

此
啞

東都事畧神宗欲用光光不可出知永興軍移許州不赴遂判西京留司御史臺以歸自

是絕口不
復論時事

慎按烏臺詩案司馬君實在西京葦一園名獨樂作詩紀之云云此詩言四海望光執政陶治天下以譏見任執政不得其人又言兒童走卒皆知其姓名終當進取緣光嘗言新法不便既言終當用光亦是譏新法不便終當用光改變此法也又言光却啞啞不言意望光依前上言攻擊新法也

送顏復兼寄王鞏

彭城居官冷如水誰從我遊顏氏子我衰且病君亦窮

衰窮相守正其理胡為一朝捨我去輕衫觸熟行千里
問君無乃求之與答我不然聊爾耳京師萬事日日新
故人如故今有幾君知牛行相君宅扣門但覓王居士
清詩草聖俱入妙別後寄我書連紙苦恨相思不相見
約我重陽嗅霜蕊君歸可喚與俱來未應指目妨進擬
太一老仙閒不出公自注張安道為中太一宮使鞏即安道壻也踵門問道今
時矣因行過我路幾何願君推挽加鞭箠吾儕一醉豈
易得買羊釀一作酒從今始

顏復

字長道彭城人

王鞏

宋史王鞏懿敏公素之子長於詩從蘇軾游軾守徐鞏往訪之軾得

罪鞏亦竄賓州數歲得還豪氣不少挫後歷宗正丞以跌宕傲世故終不顯。補錄施氏原注王定國鞏居京城牛行街而張安道居南京定國與東坡約先過安道而以重陽謁公於徐故屬長道拉與俱來然定國至南京竟以事不至有詩送梁父寄坡坡和答有花枝不共秋歌帽筆陣空來夜斫營之句後一歲始赴重陽之約有九牛行東京夢華錄潘樓東街巷日次韻王鞏等詩出舊曹門朱家橋瓦子下橋人烟市井不下州南以太一老仙容齋三筆熙寧正周琮言據太一經推算熙寧七年甲寅歲太一陽九百六之數至是年復元之初故經言太歲有陽九之災太一有百六之厄皆在入元之終或復元之始當癸丑甲寅為災厄之會而得五福太一移入中都

可以消災為祥竊詳五福太一自雍熙甲申入東南
異宮故修東太一宮於蕪村天聖己巳入西南坤位
故修西太一宮於八角鎮望詳稽故事崇建宮宇於
集禧觀之東為中太一宮按張文定墓志公性與道
合得佛老之妙熙寧中請老拜東太一宮使
就第公自注以為中太一宮使未詳孰是

附子由作

樂城集題云
送顏復赴闕

簞瓢未改安貧性
鳧繹猶傳直道餘
不見失官愁戚戚
但聞高臥起徐徐
居中舊厭軍容講
補外仍遭城旦書
此去將身置何許
秋風未免憶鱸魚

蝎虎

黃雞啄蝎如啄黍窗間守宮稱蝎虎閭中綴尾伺飛蟲
巧捷功夫在腰膂跂跂脈脈善緣壁陋質從來誰比數
今年歲早號蜥蜴狂走兒童鬧歌舞能銜渠水作水電
便向蛟龍覓雲雨守宮努力搏蒼蠅明年歲早當求汝

啄黍

李白詩黃雞
啄黍秋正肥

子由將赴南都與余會宿於逍遙堂作兩絕句讀
之殆不可為懷因和其詩以自解余觀子由自少
曠達天資近道又得至人養生長年之訣而余亦

竊聞其一二以為今者宦游相別之日淺而異時
退休相從之日長既以自解且以慰子由云

別期漸近不堪聞風雨蕭蕭已斷魂猶勝相逢不相識
形容變盡語音存

南都

歸德府宋為南京按潁濱遺老傳熙寧中張文
定知睢陽以學官見辟從之三年授齊州掌書

記後二年改著作佐郎復從文定簽書南
京判官今將赴南都正簽書判官時也

但令朱雀長金花此別還同一轉車五百年間誰復在
會看銅狄兩咨嗟

附子由原作二首

序長不
具錄

逍遙堂後千尋木長送中宵風雨聲誤喜對牀尋

舊約不知漂泊在彭城

秋來東閣涼如水客去山公醉似泥因臥北窗呼
不起風吹松竹雨淒淒

留題石經院三首

葱蒨門前路行穿翠密中却來堂上看巖谷意無窮
天矯庭中檜枯枝鵲踏消瘦皮纏鶴骨高頂轉龍腰

窈窕山頭井潛通伏澗清欲知深幾許聽放一作轉轆轤

聲

石經院

在臺頭寺中見本集種松詩公自注

山頭井

名勝志雲龍山頂有石佛井雲氣出

其中去地可
七百餘尺

附子由次韻三首

宕蕘山上寺近在古城中苦恨河流遠長教目力

窮

盤曲山前路流年向此消興亡須一弔范老臥山

腰

孤絕山南寺僧居無限清不知行道處空聽暮鐘

聲

慎按本集襟記云熙寧十年八月四日與子由同來留小詩三首子由和云云樂城集失載今采錄

過雲龍山人張天驥

郊原雨初足風日清且好病守亦欣然肩輿白門道荒
田咽蛩蚓邨巷懸梨棗下有幽人居閉門空雀噪西風
高正厲落葉紛可掃孤童臥斜日病馬放秋草壩里通

有無垣墻任推倒君家本冠蓋絲竹鬧隣保脫身聲利
中道德自濯澡躬耕抱羸疾奉養百歲老詩書膏吻頰
菽水媚翁媪饑寒天隨子祀菊自擷毫慈孝董邵南雞
狗相乳抱吾生如寄耳歸計失不蚤故山豈敢忘但恐

迫華皓從君好

一作學

種秫斗酒時自

一作相

勞

雲籠山

名勝志雲籠山在徐州城西二里山出雲氣蜿蜒如龍故名

張天驥

字聖塗見

賀方回集及本集七寶寺題名

翁媪

天驥父字希甫母李氏本集題張希甫墓志後云余為徐州始

識張希甫父子元年之冬李夫人病沒徐人多言其賢天驥出其母手書數十紙記浮屠道家筆迹不類

婦人是時希甫年七十餘辟穀導引飲水百餘日甚瘠而不衰目矐子炯然余不忍天驥之憂懼乃告之願以時飲食慰子孫之意希甫強為余食然無復在世意後二年沒知其夫婦皆超然世外者矣

附子由作

南山暮將歸下訪張夫子黍稷滿秋風蓬麻罽鄰里君年三十八三十有歸意躬耕奉慈親未覺耜耨鄙讀書北窗竹釀酒南園水松菊半成陰日有幽居喜客來時借問問子何年起新求西溪石更築茆堂址但令三歲熟此計行亦遂堂成不出門

清名滿朝市

贈王仲素寺丞

公自注
名景純

養氣如養兒棄官如棄泥人皆笑子

一作子

拙事定竟誰

迷歸耕獨患貧問子

一作予

何所齋尺宅足自庇寸田有

餘畦明珠照短褐陋室生虹霓雖無孔方兄顧有法喜

妻彈琴一長嘯不答阮與嵇曹南劉夫子名與子政齊

家有鴻寶書不鑄金裹蹄促膝問道要遂蒙分刀圭不

忍獨不死尺書肯見梯我生本強鄙少以氣自擠孤舟

倒江河赤手攬象犀年來稍自笑留氣暖下臍苦恨聞
道晚意象颯已淒空見孫思邈區區賦病梨

慎按本詩乃王仲素致仕將歸時贈行作也
施註新刻本又有贈仲素致仕歸潛山七言
古詩一首施氏原本所無乃子由作也故編
入他集互見卷中

陽關曲

一作
詞 三首

受降城下紫髯郎戲馬臺前古戰場恨君不取契丹首

金甲牙旗歸故鄉

石贈張繼愿

受降城

舊唐書神龍三年張仁愿於河北築三受降城首尾相應以拂雲祠為中城與東西兩城

相去各四百餘里北拓三百餘里置烽堠一千八百所自是突厥不敢度山放牧元和郡縣志東受降城漢雲中郡地在榆林縣東北八里中受降城本漢五原郡地今為天德軍西受降城在豐州西北八十里蓋漢朔方郡地。按築城年月元和戲馬臺志以為景雲三年者訛也當從舊唐書戲馬臺太平寰宇記戲馬臺在徐州城南一里本集上神宗書曰彭城三面阻水獨其南可通車馬而戲馬臺在焉其高十仞廣袤百步若用武之世屯千人其上凡戰守之具與城相表裏雖用十萬人未易取也

濟南春好雪初晴
行到龍山馬足輕
使君莫忘雪溪女
時作陽關腸斷聲

右答李公擇

龍山

濟南有龍山鎮見外紀

暮雲收盡溢清寒
銀漢無聲轉玉盤
此生此夜不長好
明月明年何處看

右中秋月

慎按詩話總龜謂東坡作彭城守時過齊州李公擇中秋席上作絕句暮雲收盡溢清寒云云其後山谷

在黔南以小秦王歌之云云此詩與前一首似是同時作以愚考之先生過濟南在本年正月有詩載卷首四月赴徐州未嘗在齊州過中秋也按玉局文及風月堂詩話云東坡中秋詩紹聖元年自題其後云予十八年前中秋與子由觀月彭城時作此詩以陽關歌之此段正與詩合其在李公擇席上所賦即前篇答李公擇者是也詩話總龜混兩詩為一時事訛也

和孔周翰二絕

再觀邸園留題

小園香霧曉蒙籠醉守

一作手

狂詞未必工魯叟錄詩應

有取曲收彤管邶鄘風

觀淨觀堂效韋蘇州詩

弱羽巢林在一枝幽人蝸舍兩相宜
樂天長短三千首却愛韋郎五字詩

答任師中家漢公

先君昔未仕杜門皇祐初道德無貧賤
風采照鄉閭何嘗踈小人小人自濶踈
出門無所詣老史在郊墟門前萬竿竹
堂上四庫書高樹紅消梨小池白芙蓉常
呼赤脚婢雨中擷園蔬矯矯任夫子罷官
還舊廬是時里中

兒始識長者車烹雞酌白酒相對歡有餘有如龐德公
往還葛與徐妻子走堂下主人竟誰歟我時年尚幼作
賦慕相如侍立看君談精悍寔起予歲月曾幾何耆老
逝不居史侯最先歿孤墳拱桑柘我亦涉萬里清血滿
襟袪漂流二十年始悟萬緣虛獨喜任夫子老佩刺史
魚威行烏白蠻解辦請冠裾方當入奏事清廟陳璠璵
胡為厭軒冕歸意不少紓上蔡有良田黃沙走清渠罷
亞百頃稻雍容十年儲閒隨李丞相搏射鹿與猪蒼鷹

十斤重猛犬如黃驢豈比陶淵明窮苦自把耒我今四
十二衰髮不滿梳彭城古名郡乏人偶見除頭顱已可
知幾何不樵漁會當相從去芒鞋老菑畬念子瘴江邊

懷抱向誰攄賴我同年友相歡出同輿冰盤薦文鮪公自

注鮪鮪也
戎瀘有之

玉笋傾浮蛆醉中忽思我清詩綴瓊琚知我

少所

一作
詠

諧教我時卷舒世事日反覆翩如風中旗雀

羅弔廷尉秋扇悲婕妤好升沉一何速喜怒紛衆狙作詩

謝二子我師甯與蘧

家漢公考老史

失

本集樵記云先友史經臣字彥輔眉山人與先君同舉制策篤於節義博

學能文竟不仕年六十卒無子又老蘇公集中有祭史彥輔文彥輔之歿在坡公丁成國太夫人憂時

佩刺史魚

淮海集任師中墓表云元豐中公知瀘州使者誣奏公西南乞第過江安時不時掩

擊疑有私謁乃先下章於他郡各窮竟所考未具而公卒以先生詩按之師中時當從瀘州罷歸居新息與墓表不合或已去官

烏白蠻

蜀鑑西南夷考自曲州靖州西南距龍利

而使者追論前事耳城通謂之西蠻白蠻自彌鹿升麻二川南至步頭通謂之東蠻烏蠻延袤二千餘里唐會要東謝在黔州之西數百里北至白蠻梁益州記雋州雋山地接諸蠻部有烏蠻秋蠻施氏補註引梁益州記改秋蠻為白蠻以就詩

白今駁正

初別子由

我少知子由天資和而清好學老益堅表裏漸融明豈
獨為吾弟要是賢友生不見六七年微言誰與賡常恐
坦率性放縱不自程會合亦何事無言對空枰使人之
意消不善無由萌森然有六女包裹布與荆無憂賴賢
婦藜藿等大烹使子得行意青衫陋公卿明日無晨炊
倒牀作雷鳴秋眠我東閣夜聽風雨聲懸知不久別妙
理難一作重細評昨日忽出門孤舟轉西城歸來北堂上

古屋空岬嶮退食悞相從入門中自驚南都信繁會人
事水火爭念當閉閣坐頽然寄聳首妻子亦細事文章
固虛名會須掃白髮不復用黃精

不見六七年

子由會宿逍遙堂詩序云子瞻通守杭州復移守膠西而輒留滯睢陽濟南不

見者六年

賢婦

子由夫人史氏

附子由次韻

袞袞河渭濁皎皎江漢清源流既自異美惡終未
明嗟我頑頓質乃與公並生出處每自托謳吟輒

嘗虞譬如病足馬共此千里程勝負坐已決豈待
終一枰憶公年少時濯濯吐新萌堅姿映松栢直
節凌榛荆學成志益厲秋霜落春榮淡然養浩氣
脫屣遺齊卿百煉竟不變三年終未鳴區區兩郡
守籍籍四海聲年來效瘖默世事慵譏評不見室
家好况如揖重城別離長塵垢歲月何崢嶸彭門
偶會合白髮互相驚受教恐不足吐論那復爭疾
雷發聾聵清月照昏盲篤愛未忍棄浪云舊齊名

更請問郭許題品要當精

次韻呂梁仲屯田

雨葉風花日夜稀一杯相屬竟何時
空虛豈敢酬瓊玉
枯朽猶能出菌芝
門外呂梁從迅急
胸中雲夢自逶遲
待君筆力追靈運
莫忘南臺九日期

屯田

職官分紀工部所屬有屯田郎中員外郎

呂梁

水經泗水南過沛縣東又東逕山陽郡又

東南過彭城縣東北又東南過呂縣南註云呂宋邑也縣對泗水上有石梁馮懸濤瀟瀣寔為泗險元和郡縣志呂梁在彭城東南五十七里蓋泗水至呂縣積石為梁也

王鞏屢約重九見訪既而不至以詩送將官梁交
且見寄次韻答之交頗文雅不類武人家有侍者
甚慧麗

知君月下見傾城破恨懸知酒有兵老守亡何惟日飲
將軍競病自詩鳴花枝不共秋歌帽筆陣空來夜斫營
愛惜微官將底用他年只好寫銘旌

梁交

字仲通見
藥城集

將官

職官分紀國朝自河北通好特
分將領置官於河北河東京東

等處以統領所
部兵謂之將官

臺頭寺雨中送李邦直赴史館分韻得憶字入字

兼寄孫巨源二首

霜林日夜西風急老送君歸百憂集清歌窈眇入行雲
雲為不行天為泣紅葉黃花秋正亂白魚紫蟹君須憶
憑君說向髯將軍衰病相逢應不識

臺頭寺

太平寰宇記戲馬臺在彭城縣南
三里宋於其上置寺曰臺頭寺

史館

宋史職官

志國初有三館曰昭文館史館集賢院皆仍前代之
制太宗賜名崇文院端拱中於崇文院中堂建秘閣
置直閣校理等員凡直三館及秘閣與集賢修撰史
館修撰直龍圖閣皆為高等次日集賢校理秘閣校

理卑者曰館閣校勘史館檢討均謂之館職

珥若溪叢話作班非

筆西歸近紫宸太平典冊不緣麟付君此

事寧論晉

烏臺詩案作全書漢

戴我當時舊過秦門外想無干斛

米墓中知有百年人看君兩

一作雙

眼明如鏡休把春秋

坐素臣

珥筆西歸

漢趙充國傳張安世本持橐著筆註云謂備顧問東都事畧清臣以歐陽修薦召試

擢集賢校理尋為京東提點刑獄召充國史院編修官修起居注知制誥

紫宸

長安志唐龍朔三年

造宣政紫宸蓬萊三殿宋史禮志常朝之儀以宣政為前殿紫宸為便殿宋制帝曰御垂拱殿宰相一人

押班五日起居則於崇德殿或長春殿中書門下為班首崇德即紫宸也元豐官制行始詔百司朝官以上每五日一朝紫宸京朝官以上朔望一朝紫宸

烏臺詩案熙寧十年九月內李清臣差修國史軾作詩送清臣云付君此事全書漢載我當時舊過秦軾於仁宗朝曾進論二十五篇皆論往古得失賈誼漢文帝時人追論秦之得失作過秦論史記載之軾妄以賈誼自比意欲李清臣於國史中載所進論故將詩與清臣即不係朝旨降到冊子內按施氏原注熙寧十年八月邦直除國史院編修官十二月東坡於臺頭寺送之時孫巨源為知制誥詩案謂邦直赴史館在是年九月且此詩既編重九前當從詩案作九月為是

代書答梁先

此身與世真悠悠蒼顏華髮誰汝留強名太守古徐州
忘歸不如楚沐猴魯人豈獨不知丘躡藉夫子無罪尤
異哉梁子清而脩不遠千里從我遊瞭然正色懸雙眸
世之所馳子獨不一經通明傳節侯小楷精絕規摹歐

公自注梁生
學歐陽公書

我衰廢學嬾且媮畏見問事賈長頭別來

紅葉黃花秋夜夢見之起坐愁遺我駸石盆與甌黑質

白章聲琳球謂言山石生澗溝追琢尚可王公羞感子

佳意能無酬反將木瓜報珍投學如富賈

一作
貴在博收

仰取俯拾無遺籌道大如天不可求修其可見致其幽
願子篤寔慎勿浮發憤忘食樂忘憂

九日邀仲屯田為大水所阻以詩見寄次其韻

無復龍山對孟嘉西來河伯意雄夸霜風可使吹黃帽

公自注舟人黃帽上勝水也

樽酒那能泛浪花漫遣鯉魚傳尺素却

將燕石報瓊華何時得見悲秋老醉裏題詩字半斜

河伯

侯鯖錄禹夷華陰潼津鄉隄畔人也服八石得水仙是為河伯

送楊奉禮

譜牒推關右風流出靖恭時情任險陂家法故雍容南

去河千頃

公自注大水中別

餘惟酒一鍾更誰哀老子令得放

踈慵

奉禮

職官分紀太常寺官屬有奉禮郎

靖恭

白居易詩惟憶靖恭楊閣老小學紺珠唐楊

居履道坊於陵居新昌坊汝士居靖恭坊世稱三楊海錄碎事汝士父子並為公卿居靖恭里號靖恭楊

家施氏補註引小雅

靖恭爾位作註者訛

慎按此詩施氏原本不載新刻載續補下卷

今依外集移入徐州卷中

河復 并引

熙寧十年秋河決澶淵注鉅野入淮泗自澶魏以北
皆絕流而濟楚大被其害彭門城下水二丈八尺七
十餘日不退吏民疲於守禦十月十三日澶州大風
終日既止而河流一枝已復故道聞之喜甚庶幾可
塞乎乃作河復詩歌之道路以致民願而迎神休葢
守土者之志也

君不見西漢元光元封間河決瓠子二十年鉅野東傾

淮泗滿楚人恣食黃河鱸萬里沙回封禪罷初遣越巫

沉白馬河公未許人力窮新芻萬計隨流下吾君盛德

一作仁聖如唐一作帝堯百神受職河神驕帝遣風師下約束

北流夜起澶州橋東風吹凍收微涿神功不用淇園竹

楚人種麥滿河淤仰看浮槎棲古木

澶魏

春秋襄公十二年諸侯之卿會於澶淵元和郡縣志河北道澶州本漢頓丘縣地武德初置澶

淵郡後避高祖諱改澶州因澶水為名黃河在州南三十五里太平寰宇記澶淵在臨河縣東南十七里

名勝志今大名府屬之開州太平寰宇記河北道魏州理大名元城二縣漢魏郡周大象二年改魏州後

漢乾祐元年改為大名
府東至東京四百里
鉅野 水經注黃水又東逕鉅野縣北何承天曰鉅野

廣大南通洙泗北連清濟因學紀聞濟州鉅野縣東北有大野澤即鉅野也名勝志黃河有南北二道俱

在鉅野縣境內濟寧州
領縣四鉅野其一也
瓠子河 水經注瓠子河出東郡濮陽縣北縣北十

里即瓠河口九域志濮州雷澤縣有瓠子河陳後山叢談云雷澤黃河故道今呼為沙河其跡猶在土人

謂之**淮泗** 水經注淮水出南陽平氏縣胎簪山東北過桐栢山風俗通曰南陽桐栢大復山淮

水所出也山南有淮源廟淮水又東北至下邳淮陰縣西泗水從西來注之泗水出魯卞縣北山東南過

彭城縣東北又東南過下邳縣西又東南入淮淮泗之會即角城也二水決入之所謂泗口也
萬

里沙 因學紀聞在萊州掖縣名勝志夾萬歲河兩岸沙長三百里漢元封元年大旱禱於此
百

神受職

禮記禮行於郊而百神受職焉

登望硯

洪亭

河漲西來失舊硯孤城渾在水光中忽然歸壑無尋處
千里禾麻一半空

韓幹馬十四匹

二馬並驅攢八蹄二馬宛頸駿尾齊一馬任前雙舉後
一馬却避長鳴嘶老髯奚官騎且顧前身作馬通馬語
後有八匹飲且行微流走吻若有聲前者既濟出林鶴

後者欲涉鶴俛啄最後一匹馬中龍不嘶不動尾搖風
韓生畫馬真是馬蘇子作詩如見畫世無伯樂亦無韓
此詩此畫誰當看

十四匹

樓鑰攻媿集題趙尊道渥注圖序云趙尊道以龍眠渥注圖示余余曰誤矣本韓幹馬東

坡曾為賦詩此龍眠所臨為書坡詩於後而次其韻
馬實十六坡詩云十四匹豈誤耶洪容齋隨筆韓公
畫記云凡馬之事二十有七馬大小八十有三而無
有同者焉秦少游謂其叙事該而不煩倣之作羅漢
記坡公賦十四馬詩之與記雖異其為布
置鋪寫則同誦公之語蓋不必見畫也

通馬語陽

樵俎大食圖

馬解人語

附樓鑰次韻

此詩從攻
魏集采出

良馬六十有四蹄騰驤進止紛不齊權竒個儻多
不羈亦有顧影成驕嘶或行或涉更相顧交頸相
靡若相語畫出老杜沙苑行將軍弟子早有聲中
間名種雞羣鶴無復疲瘵烏燕啄當時玉花可媒
龍後日去盡烏呼風開元四十萬匹馬俯仰興亡
空看畫龍眠妙手欲希韓莫遣鐵面西關看

有言郡東北荆山下可以溝畎積水因與吳正字

王戶曹同往相視以地多亂石不果還遊聖女山
山有石室如墓而無棺槨或云宋司馬桓魋墓二

子有詩次其韻二首

側手區區豈

一作未

易遮奔流一瞬卷千家共疑智伯初

圍趙猶有張湯欲漕

去聲

斜已坐迂踈來此地分將勞苦

送生涯使君下策真堪笑隱隱驚雷響踏車

荆山

徐州志荆山在懷遠縣西南山有玉坑乃卞和采玉之所宋濂記畧云自塗山麓折而西至荆

山梁魏交兵時就山築堰以灌壽春其餘跡猶可見

吳正字

名瑄字彥律正字其官也烏臺詩案

元豐元年軾知徐州有本州正字吳瑄瑣廳
得解赴省試軾作日喻一篇送之即其人矣 聖女山
水經注泗水又南逕宋大夫桓魋冢西山枕水上而
盡石鑿而為冢今人謂之石榔榔有二重石作工巧
太平寰宇記桓魋墓在彭城縣北二十七
里徐州志桓山下臨泗水舊名聖女山

茫茫清泗遶孤岑歸路相將得暫臨試著芒屨穿華屨

更然松炬照幽深縱令司馬能鑿石奈一作會有中郎解

摸金強寫蒼崖留歲月他年誰識此時心

藝苑雌黃云陳琳檄文言曹操置發丘中
郎將摸金校尉東坡詩以校尉為中郎誤

贈寫御容妙善師

憶昔射策干先皇，珠簾翠幄分兩廂。
紫衣中使下傳詔，跪奉冉冉聞天香。
仰觀眩晃目生暈，但見曉日一作開色。

扶桑迎陽晚出步，就坐絳紗玉斧光。
照廊野人不識日。

月角彷彿尚見重瞳光，三年歸來真一夢。
橋山松檜淒

風，霜天容玉色，誰敢畫老師古寺畫閉。
一作開者訛房夢中

神授心有得，覺來信手筆已忘。
幅巾常服儼不動，孤臣

入門涕自滂。元老侑坐鬚眉古，虎臣立侍。
一作侍立冠劍長

平生慣寫龍鳳質，肯顧草間猿與麀。
都人踏破鐵門限

黃金白壁空堆牀爾來摹寫亦到我謂是先帝白髮郎
不須覽鏡坐自了明年乞身歸故鄉

射策

年譜公於仁宗嘉祐六年應制科入第三等授大理寺評事

迎陽

江少虞事實類苑迎

陽門之北有過英閣歸田錄

步就坐

樂城集入侍過英詩自注云昔

舉制策坐於崇政殿西廊蓋過英之北也日晚仁皇自延和步入崇政過所試幄前瞻望天表最為親近

云云正與先生此詩相合

三年歸來

公於嘉祐六年十一月赴鳳翔任壬寅癸卯至甲寅而仁

宗晏駕明年乙卯公方還朝故有橋山松檜之句

不動

李遠贈寫御真李長史詩龍髯不動彩毫輕後

村詩話李遠贈寫御容李長史云初分龍準山河秀再照重瞳日月明極工及坡公仰觀眩晃目生暈但

見曉色開扶桑迎陽晚出步就坐絳紗玉斧光照廊
野人不識日月角髻髻尚記重瞳光之篇一出光焰
萬丈視遠所
作真小兒語

哭刁景純

讀書想前輩每恨生不早紛紛少年場猶得見此老此
老如松栢不受霜雪槁直從毫末中自養到合抱宏才
乏近用千歲自枯倒文章餘正始風節貫華皓平生為
人爾自為薄如縞是非雖難齊反覆看愈好前年旅吳
越把酒慶壽考扣門無晨夜百過迹未掃但知從德公

未省厭丘嫂別時公八十後會知難保昨日故人書連

年喪翁媪

公自注景純妻先亡

傷心范橋水漾漾舞寒藻華堂不

見人瘦馬空戀卓我欲江東去匏尊酌行潦鏡湖無賀

監慟哭稽山道忍見萬松岡荒池沒秋草

連年喪翁媪

施氏原注妻江氏先一年卒

萬松岡

在藏春塢司景純所居

答呂梁仲屯田

亂山合沓圍彭門官居獨在懸水邨

公自注懸水邨呂梁地名

居民

蕭條雜麋鹿小市冷落無雞豚黃河西來初不覺但訝

清泗奔流渾夜聞沙嶼鳴甃益曉看雪浪浮鵬鯤

別本作鵬

誤

呂梁自古喉吻地萬頃一抹何由吞坐觀入市卷閭

井吏民走盡餘王尊計窮路斷欲安適吟詩破屋愁鳶

蹲歲寒霜重水歸壑但見屋瓦留沙痕入城相對如夢

寐我亦僅免為魚鼃旋呼歌舞雜詠

一作談

笑不惜飲醕

空甌盆念君官舍冰雪冷新詩美酒聊相溫人生如寄

何不樂任使絳蠟燒黃昏宣房未築淮泗滿故道堙滅

瘡痍存明年勞苦應更甚我當畚鍤先黥髡付君萬指

伐頑石千鎚雷動蒼山根
高城如鐵洪口快談笑却掃
看崩奔農夫掉臂免狼顧
秋穀布野如雲屯還須更置

軟脚酒為君擊鼓行金樽

小市

宋書張暢傳彭城有小市門

高城如鐵


子由黃樓記序水既洄乃請更築徐城山

水之衝以隄捍之水雖復至不能病也

答孔周翰求書與詩

身閒曷不長閉口
天寒正好深藏手
吟詩寫字有底忙
未脫多生宿塵垢
不蒙譏訶子厚疾
反更刻畫無鹽醜

征西自有家雞肥太白應驚飯山瘦與君相從知幾日
東風待得花開否撥棄萬事勿復談百觚之後那辭酒



蘇詩補註卷十五

欽定四庫全書

集部

蘇詩補註卷十六

詳校官庶吉士_臣李傳熊

檢討_臣何思鈞覆勘

總校官原任中允_臣王燕緒

校對官中書_臣牛稔文

謄錄監生_臣袁繼升

欽定四庫全書

蘇詩補註卷十六

翰林院編修查慎行撰

古今體詩六十三首

元豐元年戊午春
夏在徐州任作

送李公恕赴闕

君才有如切玉刀見之凜凜寒生毛願隨壯士斬蛟蜃
不願腰間纏錦絛用違其才志不展坐與胥吏同疲勞
忽然眉上有黃氣吾君漸欲收英髦立談左右皆動色
一語徑破千言牢我頃分符在東武脫畧萬事惟嬉遨

盡壞屏障通內外仍呼騎曹為馬曹君為使者見不問
反更對飲持雙螯酒酣箕坐語驚衆雜以嘲諷窮詩騷
世上小兒多忌諱獨能容我真賢豪為我買田臨汶水
逝將歸去誅蓬蒿安能終老塵土下俯仰隨人如桔槔

李公恕

施氏原註公恕時為京西轉運判官召赴闕
公恕一再持節山東於東坡詩中見之子由

亦有詩

送之

慎按樂城集送公恕詩在丁巳除夕後先生

此詩亦從上卷末移編戊午卷首

附子由作

我行未厭山東遠昔遊歷下今梁苑官如雞肋浪
奔馳政似牛毛常黽勉幸公四年持使節按行千
里常相見鷹掣秋田伏兔驚驥馳平野疲牛勦似
憐多病與時違未怪兩州從事嬾除書奪去一何
速歸袖翩然不容挽黃河東注竭崑崙鉅野橫流
入州縣民事蕭條委濁流扁舟出入隨奔電回首
應懷微禹憂歸朝且喜寧親便公知齊楚即為魚

勸築宣房不宜緩

張寺丞益齋

張子作齋舍而以益為名吾聞諸夫子求益非速成譬
如遠遊客日夜事征行今年適燕薊明年走蠻荆東觀
盡滄海西涉渭與涇歸來閉戶坐八方在軒庭又如學
醫人識病由飽更風雨晦明淫跛躄瘖聾盲虛實在其
脉靜躁在其情榮枯在其色壽夭在其形苟能閱千人
望見知死生為學務日益此言當自程為道貴日損此

理在既盈願言

一作君

書此詩以為益齋銘

張寺丞

本集張忠甫字說云張厚之忠甫樂全先生子也先生名之曰恕軾推先生之意字之曰

厚之又曰忠甫施氏原注忠甫元祐間擢將作監丞
誥詞載子由集後進文定在翰林日英宗立神宗手

札除直秘閣知齊州

附子由作

人生不讀書空洞無一有美君常齋居散帙滿前

後開編試尋繹閱歲行自富從橫圖畫出次第宮

高奏汪洋蓄江河渺莽包林藪興亡數千載絡繹

皆在口顧念今所知頗覺前日陋我家亦多書早
歲常竊叩晨耕挂牛角夜燭借鄰牖經年謝賓客
饑坐失昏晝堆胸稍盤屈落筆逢左右樂如聽鈞
天醉劇飲醇酎自從厭蓬華誤逐功名誘初心一
漂蕩舊學皆榛莠失足難遽回撫卷長自詬幸君
無事日謂可終身守春耕不厭深秋穰當自受金
玉或為災詩書豈相負

春菜

蔓菁宿根已生葉韭芽戴土拳如蕨爛蒸香薺白魚肥
碎點青蒿涼餅滑宿酒初消春睡起細履幽畦掇芳辣
茵陳甘菊不負渠鱸縷堆盤纖手抹北方苦寒今未已
雪底波稜如鐵甲豈如一作知吾蜀富冬蔬霜葉露芽寒
更茁久拋松菊一作葛猶細事苦筍江豚那忍說明年投
劫徑須歸莫待齒搖并髮脫

韭芽戴土

本草韭之美在黃乃未出土者

青蒿

本草飲一名青蒿

茵陳

本草茵陳

蒿類也經冬不死更因舊苗而生

甘菊

本草菊有二種一種紫莖而味甘葉可作羹者為真菊

織手

杜甫立春詩菜
傳織手出青絲

波稜

本草一名赤根菜八
九月種者可備冬食

附黃魯直次韻

北方春蔬嚼冰雪妍暖思採南山蕨韭苗水餅姑
置之苦菜黃雞羹糝滑蓴絲色紫菰首白萸蒿芽
甜蕓頭辣生苴入湯翻手成芼以薑橙誇縷抹驚
雷菌子生萬釘白鵝截掌鼈解甲琅玕林深未飄
籜軟炊香粳煨短茁萬錢自是宰相事一飯且從
吾黨說公如端為苦筍歸明日青衫誠可脫

送鄭戶曹

遊遍錢塘湖上山歸來文字帶芳鮮
羸童瘦馬從吾飲
陋巷何人似子賢
公業有田常乏食
廣文好客竟無種
東歸不趁花時節
開盡春風誰與妍

鄭戶曹

宋史鄭僅字彥能彭城人第進士屢遷直龍圖閣陝西轉運使進集賢修撰顯謨閣待制

改知寧州徙秦州召拜吏部侍郎知徐州以顯謨閣學士卒諡修敏徐州志鄭僅第進士為大名府司戶參軍歷知兗氏福昌二縣有善政任終顯謨閣學士按施氏原注僅作瑾與史傳州志不合或係傳刻之訛當從宋史又職官志軍州諸曹有戶曹參軍掌戶籍賦稅倉庫受納後去參軍二字改司戶曹事孫彥

同職官分紀司戶參軍上州從八品中下州從九品
按集中送鄭戶曹詩凡三首此篇當是赴任大名時
也

虔州八境圖八首 并引

南康八境圖者太守孔君之所作也君既作石城即
其城上樓觀臺榭之所見而作是圖也東望七閩南
望五嶺覽羣山之參差俛章貢之奔流雲烟出沒草
木蕃麗邑屋相望雞犬之聲相聞觀此圖也可以茫
然而思粲然而笑慨然而嘆矣蘇子曰此南康之一

境也何從而八乎所自觀之者異也且子不見夫日
乎其旦如槃其中如珠其夕如破壁此豈三日也哉
苟知夫境之為八也則凡寒暑朝夕雨暘晦明之異
坐作行立哀樂喜怒之接於吾目而感於吾心者有
不可勝數者矣豈特八乎如知夫八之出乎一也則
夫四海之外詼詭譎怪禹貢之所書鄒衍之所談相
如之所賦雖至千萬未有一者也後之君子必將
有感於斯焉迺作詩八章題其上

坐看奔湍一作遶石樓使君高會百無憂三犀竊鄙秦

太守八詠聊同沈隱侯

濤頭寂寞打城還章貢臺前暮靄寒倦客登臨無限思

孤雲落日長安

章貢臺

太平寰宇記貢水源出雩都縣新樂山章水源出大庾縣聶都山至贛縣合流為贛水歐

陽志輿地廣記云贛水東源出雩都日湖漢水西源出南野曰彭水二水皆北流合於贛縣總為豫章水北流入大江後人因贛字以湖漢水為貢水彭水為章水劉澄之遂以為章貢合流因以名縣失之矣按趙抃章貢臺記畧云水別二派合流城郭於丈為贛予嘉祐六年出守間為游觀治西北隅有野景亭舊

此於復臺其上以新其名為章貢蓋不失實也據此則贛字取章貢二水合流為義蓋不獨劉澄之也

白鵲樓前翠作堆紫雲嶺路若為開故人應在千山外

不寄梅花遠信來

白鵲樓

贛州志八景臺在郡治東北下瞰奔流白鵲樓在八景臺北趙清獻記云望闕鬱孤軒豁

於前阜蓋白鵲瞰臨左右

朱樓深處日微明阜蓋歸時酒半醒薄暮漁樵人去盡

碧溪青嶂遠螺亭

螺亭

述異記螺亭在南康郡昔有貞女採螺為業會宿此亭螺噉其肉故號螺亭太平寰宇記螺亭

石山巨石臨水螺
殿無數凝結石畔

使君那暇日叅禪一望叢林一悵然成佛莫教靈運後
著鞭從使祖生先

叢林

景德傳燈錄江西禪師道一漢州什邡人姓馬氏開元間習定南岳山中遇讓和尚得心印始

自建陽佛跡嶺遷臨川次至南康龔公山南虔記龔公山在城北今為寶華寺有馬祖遺跡江西舊志馬祖

巖在贛州城東五里

却從塵外望塵中無限樓臺烟雨濛山水照人迷向背
只尋孤塔認西東

塵外

亭名也虎州志馬相巖上有馬禪
闕及雲端駒巖一憩塵外四亭

孤塔

釋氏橋
古畧馬

相於貞元中示寂元和八年賜謚大寂禪師塔曰大
莊嚴之塔趙與毓娛書堂詩話歐陽文忠公詩云山
浦轉帆迷向背夜江看斗辨西東東坡亦云山水照
人迷向背只尋孤塔認西東身遊山水間果有茲理
二公可謂善
於形容者矣

雲烟縹緲鬱孤臺積翠浮空雨半開想見之采觀海市
絳宮明滅是蓬萊

鬱孤臺

名勝志鬱孤臺一名賀蘭山在府治麗譙坤
維百步隆阜鬱然孤峙故名唐李勉為刺史

更名望闕慎按趙清獻記云望闕鬱孤軒竒
於前乃二臺名曹能始謂更名望闕者訛也
之采
史記

始皇二十九年登之罘刊石太平寰宇記之罘山在
文登縣西北百九十里其山在海中山東南有壘石
俗傳武帝造橋有兩石銘仍
存山高九里週迴五十里

回峯亂嶂鬱參差雲外高人世得知誰向空山弄明月

山中木客解吟詩

木客

太平寰宇記上洛山在贛縣南九十里山多木
客能斫杉枋與人交易以木易人刀斧又五色

線引南虔記云南康山間有木客形骸皆人也但鳥
爪耳一名山魃詩話總龜云十道四番志興國上洛
山有木客形容似人遙見分明近則隱藏所載木客
未嘗言能作詩也後得續法帖記木客詩云云方知
得句之因徐鉉謂鄱陽山中有木客為詩
一章云云者豈鉉未嘗見十道四番志耶

讀孟郊詩二首

夜讀孟郊詩細字如牛毛寒燈照昏花佳處時一遭孤
芳擢荒穢苦語餘詩騷水清石鑿鑿湍激不受篙初如
食小魚所得不償勞又似煮彭蠡竟日持一作空螯要

當關僧清未足當韓豪人生如朝露日夜火消膏何苦
將兩耳聽此寒蟲號不如且置之飲我玉色一作膠

孟郊

舊唐書孟郊少隱於嵩山稱處士留守鄭慶餘
辟為賓客性孤僻寡合韓愈一見以為志形交

嘗稱其字曰東野與之唱和葛立方韻語陽秋云孟
郊詩楚山相蔽虧日月無全輝萬株古柳根挈此磷

磷溪等句造語工新無一點俗韻然其他篇章似此者絕少李觀評其詩云高處在古無上平處下觀二謝許之太甚東坡詩云云貶之亦太甚矣彭蠡郭璞爾雅註螭即彭蠡也音越吳人寒蟲號爾雅注寒號夜鳴求旦之鳥冬月訛為彭蠡裸體盡夜鳴叫四足有肉翅不能遠飛本草曷旦一名寒號蟲

我憎孟郊詩復作孟郊語饑腸自鳴喚空壁轉饑鼠詩

從肺腑出出輒愁肺腑有如黃河魚出膏以自煮尚愛

銅斗歌鄙俚頗近古桃弓射鴨罷獨速短蓑一作莎舞不

憂踏船翻踏浪不踏土吳姬霜雪白赤脚浣白紵嫁與

踏浪兒不識離別苦歌君江湖曲感我長羈旅

訪張山人得山中字二首

魚龍隨水落猿鶴喜君還舊隱丘墟外新堂紫翠間野

麋馴杖履

一作屨

幽桂出榛菅洒掃門前路山公亦愛山

公自注張故居為大水所壞新卜此室故居之東

張山人

即張天驥也

新堂

本集故鶴亭記云熙寧十年秋彭城大水雲龍山人張君之故

居水及其半在明年春水落遷於故居之東東山之麓升高而望得異境焉作亭於其上山人有二鶴甚

馴而善飛故名之曰故鶴亭

萬木鎖雲龍

公自注
山名

天留與戴公路迷山向背人在瀼

西東薺麥餘春雪櫻桃落晚風入城都不記歸路醉眠

中

雲龍山

注見
本卷

薺麥

韓愈琴操詩雪霜
賀賀薺麥之有

送孔郎中赴陝郊

驚風擊面黃沙走西出嶠函脫塵垢使君來自古徐州
聲震河潼殷關右十里長亭聞鼓角一川秀色明花柳
北臨飛檻卷黃流南望青山如峴首東風吹開錦繡谷

涑水翻動蒲萄酒訟庭生草數開尊過客如雲牢閉口

孔郎中赴陝郊

東都事畧孔周翰歷知蘄密陝揚洪
亮六州此則自密移陝時也水經河

水又西徑陝縣故城之南注云河北對茅城春秋茅
津也河南即陝城周召分陝以此城為東西之別太
平寰宇記屬河南道郡夾河河南諸縣則豫州域河
北則冀州域魏太和十一年置陝州九域志永興軍
路陝州宋為保嶠元和郡縣志嶠山一名嶽峯山
平軍節度理所自東嶠至西嶠相去三十五里
路極險峻漢地理志弘農故秦函谷關也
崔浩注云東自嶠山西至潼津通名函谷河潼杜預
左傳
注桃林塞潼關是也元和郡縣志潼關在華陰縣東
北關西一里有潼水又云河在關內南流衝激因謂
之衝關按秦函谷關今靈寶縣西南十里故關是也
大路在北本非鈴束之要漢楊僕宜陽入駐居關外

請徙關於新安武帝從之建安十六年曹操破馬超於潼關則從中間徙於今所歷三處而至河潼上躋高阿俛視洪流寔為天險名勝志潼谷水經松果山下北流入黃河唐天授初置潼津縣長安二年廢今為驛有石橋尚名潼津

峴首

名勝志峴山在陝州靈寶縣東以形似襄陽峴

橋即潼谷水所逕也

山故

錦繡谷

名勝志宜陽縣在陝州西南七十里有錦屏山春時花卉繁盛如錦武后游此

賜名錦繡谷邵堯夫詩錦屏山映一川霞桃李爭妍二月花先生詩中所云錦繡谷當指此王氏注所引乃在廬山

蒲萄酒

錢希白南郡新書太宗破高昌收馬乳蒲萄種於苑中並得酒法仍

自損益之造酒綠色長安始識其味太白詩遙看漢水鴨頭綠有似蒲萄初撥醕本此

與梁左藏會飲傅國博家

將軍破賊自草檄論詩說劍俱第一彭城老守本虛名
識字劣能欺項藉風流別駕貴公子欲把笙歌暖鋒鏑
紅旆朝開猛士噪一作翠帷暮捲佳人出東堂醉臥呼
不起啼鳥落花春寂寂試教長笛傍耳根一聲吹裂堦

前石

國博

職官分紀國子監博士有太學五
經四門武學律學書學算學諸名

附子由次韻

彭城欲往臺無檄初喜東西合為一將軍走馬隨

春風精銳千人森尺籍口占佳句驚衆坐手鍊強
兵試鳴鏑酒酣起舞花滿地醉倒不聽人扶出歸
來相對如夢寐虎踞熊經苦岑寂黃樓方就可同
游飲盡官厨三百石

寒食日答李公擇三絕次韻

從來蘇李得名雙只恐全齊笑陋邦詩似懸河供不辦
故欺張籍隴頭瀧

供不辦

似謂詩才敏捷左右供事之人書寫不及也

慎按公擇時知濟
南故有全齊之句

簿書罄鼓不知春佳句相呼賴故人寒食德公方上冢
歸來誰主復誰賓

巡城已困塵埃眯僕仍遭蟻蝨緣欲脫布衫攜素手

試開病眼點黃連

公自注來詩謂
僕布衫督役

約公擇飲是日大風

先生生長匡廬山中讀書三十年舊聞飲水師顏淵
不知治劇乃所便偷兒夜探黑一作赤白九奮髯忽逢朱

子元半年羣盜誅七百誰信家書藏九千春風無事秋
月閒紅粧執樂豪且妍紫衫玉帶兩部全琵琶一抹四
十絃客來留飲不計錢齊人愛公如子產兒啼臥路呼
不還我慙山郡空留連牙兵部吏笑我寒邀公飲酒公
無難約束官奴買花鈿薰衣理髮夜不眠曉來顛風塵
暗天我思其由豈坐慳作詩愧謝公笑謹歸來瑟縮愈
不安要當啖公八百里豪氣一洗儒生酸

慎按施氏原注云公擇知齊齊素多盜公擇至痛懲
艾之論報無虛日而不少止他日得黥盜以為郡兵

使直事鈴下稍任使之因詢其奸狀對曰此由富家
為之囊橐官吏迹捕及門禽一人以首則免矣公擇
乃令得藏盜之家皆發屋破柱盡扶其根株自是奸
不容匿境內遂清始公擇在江夏吳興政尚寬簡吏
民安樂之郡以大治及為濟南頗峻文深誠郡亦大
治由是人知其通疎適變所值無不可者此詩有偷
兒夜盜黑白丸云云蓋謂是也此種註於本詩大有
發明可補史傳之闕畧而吳中新刻本概行刪削今
亟錄以存其舊古
人苦心不敢沒也

坐上賦戴花得天字

清明初過酒闌珊折得奇葩晚更妍春色豈關吾輩事
老狂聊作坐中先醉吟不耐歌紗帽起舞從教落酒船

結習漸消留不住却須還與散花天

夜飲次韻畢推官

簿書叢裏過春風酒聖時時且復中紅燭照庭嘶驪裏
黃雞催曉唱玲瓏老來漸減金釵興醉後空驚玉筋工

公自注
畢善篆

月未上時應蚤散免教壑谷問吾公

畢推官

字景儒時為徐州從事見淮海集曾為杭僧
法言篆雪齋二字本集游桓山記同游有畢

仲孫者即景

儒之名也

芙蓉城 并引

世傳王迥子高與仙人周瑤英遊芙蓉城元豐元年
三月余始識子高問之信然乃作此詩極其情而歸
之正亦變風止乎禮義之意也

芙蓉城中花冥冥誰其主者石與丁珠簾玉案翡翠屏
霞舒雲卷千娉婷中有一人長眉青炯如微雲淡踈星
往來三世空鍊形竟坐誤讀黃庭經天門夜開飛爽靈
無復白日乘雲輶俗緣千劫磨不盡翠被冷落淒餘馨
因過緱山朝帝廷夜聞笙簫弭節聽飄然而來誰使令

皎如明月入窻櫺忽然而去不可執寒衾虛幌風泠泠

仙宮洞房本不扁夢中同躡鳳凰翎徑度萬里如奔霆

玉樓浮空聳亭亭天書雲篆誰所銘遠樓飛步高矜嶷

仙風鏘然韻流鈴蘧蘧形開如酒一作醉醒芳卿寄謝空

丁寧一朝覆水不返瓶羅巾別淚空濛濛春風花開秋

葉零世間羅綺紛臙腥此身若溪漁隱叢話作生流浪隨滄溟偶

然相值兩浮萍願君收視觀三庭勿與嘉穀生蝗螟從

渠一念三千齡下作人間尹與邢

長眉青

許彥周詩話詩人寫人物態度至不可移易退之華山女詩洗粧拭面着冠帔白咽紅頰

長眉青此定是女道士芙蓉城詩云中有一人長眉青炯如微雲淡踈星使有神仙風度

慎按施氏原註此詩王荆公嘗和之首云神

仙出沒藏香冥帝遣萬鬼驅六丁嘗為俞紫

芝誦之紫芝請書於紙荆公曰此戲耳不可

以為訓故不傳此段新刻本刪去今補錄又

按本詩序元豐元年三月作也施氏本編入

卷末與詩序不合今移於前

續麗人行 并引

李仲謀家有周昉畫背面欠伸內人極精戲作此詩
深宮無人春日長沉香亭北百花香美人睡起薄梳洗
燕舞鶯啼空斷腸畫工欲畫無窮意背立東風初破睡
若教回首却嫣然陽城下蔡俱風靡杜陵饑客眼長寒
蹇驢破帽隨金鞍隔花臨水時一見只許腰肢背後看
心醉歸來茅屋底方信人間有西子君不見孟光舉案
與眉齊何曾背面傷春啼

周昉

唐朝名畫錄昉字仲朗京兆人
施注以為字景玄未詳孰是

聞李公擇飲傅國博家大醉二首

兒童拍手鬧黃昏應笑山公醉習園縱使先生能一石
主人未肯獨留髡

不肯惺惺騎馬迴玉山知為玉人頽紫雲有語君知否
莫喚分司御史來

傅子美召公擇飲偶以病不及往公擇有詩次韻
樊素阿蠻皆已出使君應作玉筍歌可憐病士西窗下

一夜丹田手自摩

觀子美病中作嗟嘆不足因次韻

百尺長松澗下推知君此意為誰來
霜枝半折孤根出
尚有狂風急雨催

慎按以上二首施氏原本不載新刻載續補
下卷据外集編第五卷皆守徐州時作今從
之子美當即傅國博字也

起伏龍行

并引

徐州城東二十里有石潭父老云與泗水通增損清濁相應不差時有河魚出焉元豐元年春旱或云置虎頭潭中可以致雷雨用其說作起伏龍行

何年白竹千鈞弩射殺南山雪毛虎至今顱骨帶霜牙
尚作四海毛蟲祖東方久旱千里赤三月行人口生土
碧潭近在古城東神物所蟠誰敢侮上歌蒼石擁巖竇
下應清河通水府眼光作電走金蛇鼻息為雲擢烟縷
當年負圖傳帝命左右羲軒詔神禹爾來懷寶但貪眠

滿腹雷霆瘖不吐赤龍白虎戰明日

公自注是月丙辰明日庚寅

倒

卷黃河作飛雨嗟我豈樂鬪兩雄有事徑須煩一怒

鼻息為雲

杜甫詩如絲氣或上爛漫為雲雨

聞公擇過雲龍張山人輒往從之公擇有詩戲用

其韻

我生固多憂肉食嘗苦墨軒然就一笑猶得好飲力聞
君過雲龍對酒兩靜默急携清歌女出郭及未昃一歡
難力致邂逅有勝特喧蜂集晚花亂雀啄叢棘山人樂

此耳寂寞誰侍側何當求好人聊使治要棘使君自孤
憤此理誰相值不如學養生一氣服千息

送李公擇

嗟予寡兄弟四海一子由故人雖云多出處不我謀弓
車無停招逝去勢莫留僅存今幾人各在天一隅有如
長庚月到曉爛不收宜我與夫子相好手足侔比年兩
見之賓主更獻酬樂哉十日飲衍衍和不流論事到深
夜僵仆鈴與騶頗嘗見使君有客如此不欲別不忍言

慘慘集百憂念我野夫兄知名三十秋已得其為人
不待風馬牛他年林下見傾蓋如白頭

慎按施氏原註公擇在濟南東坡赴彭城過之公擇罷濟南復過東坡於彭城唱酬甚多故云比年兩見之賓主更獻酬野夫公擇之兄名莘嘗為江西轉運使東坡自黃移汝道建昌過其故居有詩云何人修水上種此一雙玉謂其兄弟也新刊本刪去今補錄之

送筍芍藥與公擇二首

久客厭鹵饌

公自註蜀人謂東北人為鹵子

枵然思南烹故人知我意

千里寄竹萌駢頭玉嬰兒一一脫錦棚庖人應未識旅

人眼先明我家拙厨膳羸肉毛蕪菁送與江南客燒煮
配香粳

今日忽不樂折盡園中花園中亦何有芍藥裊殘葩久
早復遭雨紛披亂泥沙不折亦安用折去還可嗟棄擲
亮未能送與謫仙家還將一枝春挿向兩髻了

和孫革老次韻

去國光陰春雪消還家蹤跡野雲飄功名正自妨行樂
迎送纔堪博早朝雖去友朋親吏卒却辭讒謗得風謠

明年我亦江南去不問雄繁與寂寥

博早朝

白居易詩雖鳴猶獨睡不博早朝人

雄繁

指言劇郡也

慎按史容註山谷集云莘老前後典郡自廣德徙湖州又徙廬州持祖母喪服除知蘇州云云先生倅杭時莘老自湖移廬有詩送之今是詩之作當在莘老知蘇州時故結處有明年我亦江南去之句

遊張山人園

壁間一軸烟蘿子盆裏千枝錦被堆
慣與先生為酒伴不嫌刺史亦顏開
纖纖入麥黃花亂颯颯催詩白雨來
聞道君家好井水歸軒乞得滿瓶回

烟蘿子

經籍志有烟蘿子內真通元歌一卷又有烟蘿子養神關鎖秘訣圖一卷蓋古之學仙得

道者也

杜介熙熙堂

崎嶇世路最先回
窈窕華堂手自開
咄咄何曾書怪事
熙熙長覺似春臺
白砂碧玉味方永
黃紙紅旗心已灰
遙想閉門投轄飲
鷗絃鐵撥響如雷

杜介

字幾先揚州人居
平山堂見本集

次韻答劉涇

吟詩莫作秋蟲聲天公怪汝鉤物情使汝未老華髮生
芝蘭得雨蔚青青何用自燔以出馨細書千紙雜真行
新音百變口如鶯異義蜂起弟子爭舌翻濤瀾卷齊城
萬卷堆胸兀相撐以病為樂子未驚我有至味非煎烹
是中之樂吁難名綠槐如山閭廣庭飛蟲一作繞耳細
而清敗席展轉臥見經一作驚訛亦自不一作不自嫌翠織成意
行信足無溝坑不識五郎呼作卿吏民哀我老不明相
戒無復煩鞭刑時臨泗水照星星微風不起鏡面平安

得一舟如葉輕臥聞郵籤報水程尊羹羊酪不須評一
飽且救饑腸鳴

劉涇

字巨濟
註見前

搗妓樂游張山人園

大杏金黃小麥熟墜巢乳鵲拳新竹故將俗物惱幽人
細馬紅粧滿山谷提壺勸酒意雖重杜鵑催歸聲更速
酒闌人散却關門寂歷斜陽挂疎木

種德亭

并引

處士王復家於錢塘為人多技能而醫尤精期於活人而已不志於利築室候潮門外治園圃作亭榭以與賢士大夫游惟恐不及然終無所求人徒知其接花蓺果之勤而不知其所種者德也乃以名其亭而作詩以遺之

小圃傍城郭閉門芝朮香名隨市人隱德與佳木長元
化善養性倉公多禁方所活不可數相逢旋相忘但喜
賓客來置酒花滿堂我欲東南去再觀雙檜蒼山茶想

出屋湖橋應過墻木老德亦熟吾言豈荒唐

雙檜

本集有王復秀才所居雙檜二絕句見第八卷

荒唐

莊子天下篇以繆悠之說荒唐之言

無端崖之詞時縱恣而不儻

附子由作

樂城集題云贈王復秀才

候潮門外王居士平昔交游遍海涯本種松杉為
老計晚將亭榭付鄰家為生有道終安隱好事來

游空嘆嗟猶有東坡舊詩卷忻然對客展龍蛇

自注

王君舊有園亭子瞻凡名之曰種德其亭頂以貧故鬻之矣

慎按樂城集子由此詩自續溪還朝道過錢塘乃元豐乙丑所作距東坡寄詩已七年亭已易主而王復尚無恙也

次韻僧潛見贈

道人胸中水鏡清萬象起滅無逃形獨依古寺種秋菊
要伴騷人餐落英人間底處有南北紛紛鴻雁何曾冥
閉門坐穴一禪榻頭上歲月空崢嶸今日偶出為求法
欲與慧劍加礪硎雲衲新磨山水出霜髭不翦兒童驚
公侯欲識不可得故知倚市無傾城秋風吹夢過淮水

想見橘柚垂空庭故人各在天一角相望落落如晨星
彭城老守何足顧棗林桑野相邀迎千山不憚荒店遠
兩脚欲趁飛猱輕多生綺語磨不盡尚有宛轉詩人情
猿吟鶴唳本無意不知下有行人行空堦夜雨自清絕
誰使掩抑啼孤惻我欲仙山掇瑤草傾筐坐嘆何時盈
簿書鞭扑盡填委煮茗燒栗宜宵征乞取摩尼照濁水
共看落月金盆傾

僧潛

咸淳臨安志道潛於潛浮溪邨人字參寥本姓何幼不茹葷以童子誦法華經為比丘於內外

典無所不通崇寧末示寂賜號妙總大師。補錄施氏原註東坡守吳興會於松江既謫居不遠二千里相從於齊安留期年遇移汝海同遊廬山有次韻留別詩坡守錢塘卜智果精舍居之入院分韻賦詩又作參寥泉銘坡南遷遂欲轉海訪之以書力戒勿萌此意自揣餘生必須相見當路亦捃其詩語謂有刺譏得罪反初服建中靖國初曾子開言其非罪詔復薙髮此段序參寥生平及與先生游好最詳不知新刊本何故

綺語

佛氏口之四業妄言綺語其二也

詩人情

朱弁風月堂詩話參

寥自杭謁坡於彭城一日燕郡寮謂客曰參寥雖不與此集然不可不惱之也遣官妓馬盼盼持紙筆就求詩參寥援筆立成有禪心已作沾泥絮不逐春風上下狂之句坡喜曰吾嘗見柳絮落泥中謂可以入詩偶未收入遂為此人所先

慎按參寥於是年四月過徐州有詩案可據
施氏原本訛編九日詩後今與下篇俱移於
此

次韻潛師放魚

法師說法臨泗水無數天花隨麈尾
勸將淨業種西方莫待夢中呼起起
衰哉若魚竟坐口遠媿知幾穆生醴
况逢孟簡對盧仝不怕校人欺子美
疲民尚作魚尾赤數畧未除吾穎泚
法師自有衣中珠不用辛苦泥沙底

淨業

梁武帝淨業賦見淨業之可愛與不殺而為目

孟簡

唐詩紀事孟簡字幾道德州人元和

中權

子美

左傳襄公二十五年鄭子展子產帥車七百乘伐陳宵突陳城遂入之子美入數俘

而出注云子美即子產也

泥沙底

白居易放魚詩不須泥沙底辛苦覓明珠

烏臺詩案元豐元年四月軾知徐州日有相識浙僧

道潛來相看同在河亭上坐見人打魚其僧買魚放

生作詩一首即無譏諷軾依韻和詩一首與本入云

疲民尚作魚尾赤左傳云如魚賴尾銜流而方揚喬

註云魚勞則尾赤是時徐州大水之後夫役數起軾

言民之疲病如魚勞而尾赤也數罟謂魚網之密細

者以言民既疲病朝廷又行青苗助役不為除放如

密網之取魚皆以譏朝廷新法不便以致大水之災

也此段施氏原註失載補註本亦不全今備錄之

附參寥原作

嘉魚滿盤初出水尚有青萍點紅尾銀鯰戢戢畏
烹煎崛強有時俄自起彼客殷勤贈使君願向中
厨薦醪醴使君事道不事腹杞菊終年食甘美傳
呼慎勿付庖人百步洪邊放清泚回首無欺子產
淳漫道悠然泳波底

文與可有詩見寄云待將一段鵝溪絹掃取寒梢
萬尺長次韻答之

為愛鵝溪白，雷光掃殘雞。距紫毫芒

一作銛

世間那有千

尋竹月落庭空影許長

鵝溪

任淵山谷內集註鵝溪在今潼川畫絹所出

千尋竹

本集禰記與可畫竹初不自貴

重持縑素而請者足相踵於門與可厭之投諸地曰吾將以為機材及與可自洋州還余為徐州與可寄書曰近語士大夫墨竹一派近在彭城機材當萃於子矣書尾復一詩云云予謂與可竹長萬尺當用絹二百五十匹因答詩云云與可笑曰蘇子瞻辨則辨矣然二百五十匹吾將買田而歸老焉。慎按丹淵集失原作全首無從采錄

聞辯才法師復歸上天竺以詩戲問

道人出山去山色如死灰白雲不解笑青松有餘哀忽
聞道人歸鳥語山容開神光出寶髻法雨洗浮埃想見
南北山花發前後臺寄聲問道人借禪以為詠何所聞
而去何所見而回道人笑不答此意安在哉昔年本不
住今者亦無來此語竟非是且食白楊梅

辯才復歸天竺

樂城集辯才塔碑云師年二十五賜紫衣及辯才號沈邁治杭請住上天

竺居十七年有僧文捷者利其富倚權貴人奪而有之遷師於下天竺復逐師於潛逾年捷敗事聞朝廷復以上天竺畀師捷之在天竺也施者不至蠟谷草木為之索然及師之復歸山中百物皆若有喜色清

獻趙公親見而贊之曰師去天竺山空鬼哭天竺
師歸道場光輝留三年終捨去老於南山之龍井南

北山

白居易寄天竺禪師詩南山雲起北山雲

前後臺

白居易詩又云前臺花發後臺見先

生二句皆用之

和子由送將官梁左藏仲通

雨足誰言春麥短城堅不怕秋濤卷日長惟有睡相宜
半脫紗巾落紈扇芳草不鋤當戶長珍禽獨下無人見
覺來身世都是夢坐久枕痕猶著面城西忽報故人來
急掃風軒炊麥飯

公自注徐州所出

伏波論兵初矍鑠中散談

仙更清遠南都從事亦學道不惜腸空誇腦滿問羊他
日到金華應許相將遊閬苑

梁仲通

名交見
樂城集

附子由原作

樂城集題云送
梁交之徐州

湖水清且深新荷半猶卷未見紅粧窈窕娘先排
翠羽參差扇水面風生人未知歌傾俯仰長先見
岼上遊人暮不歸清香入袖涼吹面投壺擊鞠綠
楊陰共盡清樽殮白飯坐中飛將忽先起輕衫出

試彭門遠百步洪西白浪翻戲馬臺南雲岫滿江
山雄麗洵宜人風流孰似梁王苑

次韻秦觀秀才見贈秦與孫莘老李公擇甚熟將
入京應舉

夜光明月非所投逢年遇合百無憂將軍百戰竟不候
伯郎一斗得涼州翹關負重非無力十年不入紛華域
故人坐上見君文謂是古人吁莫測新詩說盡萬物情
硬黃小字臨黃庭故人已去君未到空吟河畔草青青

誰謂他鄉各異縣天遣君來破吾願一聞君語識君心
短李髯孫眼中見江湖放浪久全真忽然一鳴驚倒人
縱橫所值一作無不可知君不怕新書新千金敝帚那
堪換我亦淹留豈長算山中既未決同歸我聊爾耳君
其漫

秦觀

宋史秦觀字少游少豪雋慷慨溢於文詞登第
歷秘書省正字兼國史院編修官紹聖初坐黨

籍出通判杭州御史劉拯論其損益實錄貶監處州
酒稅奪削秩徙郴州編管又徙雷州徽宗即位復官
放還至藤州而卒文集四十卷施氏原註東坡剛直
忠正二聖追神宗遺言將付大政臺諫多慕間凡所

與輒攻之少游其一也

秀才

唐書杜正倫傳隋世重舉秀才天下不十人而正倫一門三秀才皆

高第

附秦少游原作

人生異趣各有求
繫風捕影祇懷憂
我獨不願萬戶侯
惟願一識蘇徐州
徐州雄偉非人力
世有高名擅區域
珠樹三株詎可攀
玉海千尋真莫測
一昨秋風動遠情
便憶鱸魚訪洞庭
芝蘭不獨庭中秀
松柏仍當雪後青
故人持節過鄉縣
教以東來

償所願天上麒麟昔漫聞河東鸞鷲今纔見不將
俗物礙天真北斗以南能幾人八磚學士風標遠
五馬使君恩意新黃塵冥冥日月換中有盈虛亦
何算據龜食蛤暫相從請結後期游汗漫

附子由作

樂城集題云次韻秦觀
秀才携李公擇書相訪

淮南三歲吾何求使君到後銷人憂君言有客輕
公侯扁舟相從古揚州致之匹馬恨無力千里相
望同異域新詩空使四座驚隱居未易凡人測使

君南歸無限情鴻飛攜書隨我庭此書兼致昔年
客袖中麗句淮山青老夫強顏依府縣堆案文書
本非願清談疊疊解人頤安得座右長相見狂客
吾非賀季真醉吟君似謫仙人末契長遭少年笑
白髮應慚傾蓋新都城酒貴誰當換塵埃垢面非
良算歸來泗上正思君莫待黃花霜爛漫

僕曩於長安陳漢卿家見吳道子畫佛碎爛可惜
其後十餘年復見之於鮮于子駿家則已裝背完

好子駿以見遺作詩謝之

貴人金多身復閒，爭買書畫不計錢。已將鐵石充逸少。

公自注：大王書中有殷鐵石字。鐵石乃梁武帝時人。

更補朱繇為道玄。

公自注：世所收吳道

子畫多朱繇筆也。

烟薰屋漏裝玉軸，鹿皮蒼壁知誰賢。吳生畫

佛本神授。

一作駿

夢中化作飛空仙，覺來落筆不經意。神

妙獨到秋毫顛。昔我長安見此畫，歎息至寶空潛然。素

絲斷續不忍看，已作蝴蝶飛聯翩。君能收拾為補綴，體

質散落嗟神全。誌公彷彿見刀尺，修羅天女猶雄妍。如

觀老杜飛鳥白脫字欲補知無緣問君乞得良有意欲
將俗眼為洗湔貴人一見定羞忤錦囊千紙何足捐不
須更用博麻縷付與一炬隨飛烟

修羅天女

維摩經註阿修羅男醜女端正有大勢力
常與天共鬪此神果報最勝隣次諸天而

非天

博麻縷

言貴人所蓄書畫多賸物不值一錢不
足以博麻縷止宜付之一炬而已王註

謬引佛氏麻三斤語施
氏補註復取之何也

雨中過舒教授

疎疎簾外竹瀟瀟竹間雨窗扉靜無塵几硯寒生霧美

人樂幽獨有得緣無慕坐依蒲褐禪起聽風甌語客來
淡無有洒掃涼冠履濃茗洗積昏妙香淨浮一作慮歸
來北堂閣一一微螢度此生憂患中一餉安閒處飛鷲
悔前笑黃犬悲晚悟自非陶靖節誰識此間趣

舒教授

即舒煥施氏原註時舒為徐州教授元祐八年以左朝郎校對秘書省黃本書籍紹聖初

通判熙州孫彥同職官分紀云通典漢郡國皆有文學掾唐府郡置經學博士各一人以五經教授學生宋無專員諸州文學之職從九品為散官

次韻舒教授寄李公擇

草書妙絕吾所尤真書小低猶抗行論文作詩俱不敵

看君談笑收降旌去年逾月方出畫

公自注予去年留齊月餘

為君

劇飲幾濡首今年過我雖少留寂寞陶潛方止酒

公自注此

行公擇病酒夕不飲

別時流涕攬君鬚懸知此懼墮空虛松下縱

橫餘屐齒門前輾轉想君車怪君一身都是德近之清

潤淪肌骨細思還有可恨時不許藍橋見傾國

公自注公擇有

婢名雲英屢欲出不果

又送鄭戶曹

按本年年中秋月詩鄭子向河朔公自注云鄭僅赴大名戶曹施氏云時為

冠氏令

者訛

水繞彭城

一作祖

樓山圍戲馬臺古來豪傑地千載有餘

哀隆準飛上天重瞳亦成灰白門下呂布大星隕臨淮

尚想劉德輿置酒此徘徊爾來苦寂寞廢圃多蒼苔河

從百步響山到九里回山水自相激夜聲轉風雷蕩蕩

清河孺黃樓我所開秋月墮城角春風搖酒杯遲君

去聲

君

為座客新詩出瓊瑰樓成君已去人事固多乖他年君

倦游白首賦歸來登樓一長嘯使君安在哉

彭城樓

太平寰宇記魏刺史王延明移彭
祖廟於子城東北樓為彭城樓戲馬臺元和

郡縣志戲馬臺在彭城縣東

南二里項羽所造戲馬於此劉德興

南史宋高祖本
紀劉裕字德興

文選注宋武帝為宋公在彭城九日九里山太平寰
宇記引

出項羽戲馬臺至今相承以為舊準九里山字記引

玄中記云彭城有九里山有穴潛通瑯琊名勝志九
嶷山在徐州東北九里山陰有孫氏墓碑上刊九嶷

山俗名
九里山

次韻黃魯直見贈古風二首

嘉穀臥風雨根莠登我塲陳前漫方丈玉食慘無光大

哉天宇間美惡更臭香君看五六月飛蚊殷回廊茲時

不少假俯仰霜葉黃期君蟠桃枝千歲終一嘗顧我如
苦李全生依路傍紛紛不足道悄悄徒自傷

黃魯直

宋史黃庭堅字魯直第進士哲宗立召為秘書郎神宗實錄檢討官紹聖初章惇蔡卞論

實錄多誣貶涪州別駕黔州安置又移戎州徽宗即位乞郡得太平州到任九日罷主管玉隆觀尋除名編管宜州徙永州卒年六十。施氏原註魯直學問文章天成性得於詩尤高善法書自成一家東坡所以推揚汲引如恐不及初游灤皖山谷寺樂其林泉因自號山谷道人建炎間贈直龍圖閣高宗愛其筆札御府收蓄甚富且錄用其家云

烏臺詩案元豐元年二月內北京國子監教授黃庭堅寄書一封并古詩二首與軾依韻和答云嘉穀臥

風雨至玉食燦無光以譏今之小人勝君子如狼莠之奪嘉穀又云大哉天宇間至悄悄徒自傷意言君子小人進退有時如夏月蚊虻縱橫至秋自息比黃庭堅於蟠桃進必遲自比苦李以無用全生又取詩云愠於羣小以譏諷當今進用之人皆小人也此段全文已載施氏原註中今依例附錄

空山學仙子妄意笙簫聲千金得竒藥開視皆豨苓不知市人中自有安期生今君已度世坐閱霜中蒂摩挲古銅人歲月不可計閨風安在哉要君相指似

附黃魯直原作二首

江梅有佳實托根桃李場桃李終不言朝露借恩

光孤芳忌皎潔冰雪空自香古來和鼎實此物升
廟廊歲月坐成晚烟雨青已黃得升桃李盤以遠
初見嘗終然不可口棄擲官道旁但使烏臺詩案
作但取

本根在棄捐果詩案
作庸何傷

青一作
長松出洞一作
澗壑十里聞風聲上有百尺絲

下有千歲苓若溪漁隱叢話尚有自性
得久要為人制顏齡二句小草有遠

志相依在平生醫和不並世深根且固蒂人言可

醫國何用太早計小大才則殊氣味固詩案
作苦相似

次韻答舒教授觀余所藏墨

異時長笑王會稽野鷺臙腥污刀几暮年却得庾安西
自厭家雞題六紙二子風流冠當代顧與兒童爭愠喜
秦王十八已龍飛嗜好晚將蛇蚓比我生百事不挂眼
時人繆說云工此世間有癖念誰無傾身障篋尤堪鄙
人一作生當著幾緗屐定心肯為微物一作起此墨足
文三十年但恐風霜侵髮齒非人磨墨磨人餅應未
罄疊先耻逝將振衣歸故國數畝荒園自鋤理作書寄

君君莫笑但覓來禽與青李一螺點漆便有餘萬竈燒
松何處使君不見永寧第中擣龍麝列屋間居清且美
倒暈連眉秀嶺浮雙鴉畫鬢香雲委時聞五斛賜蛾綠
不惜千金求獼髓聞君此詩當大笑寒窗冷硯冰生水
送鄭戶曹賦席上果得榘子

彼美玉山果粲為金

一作銀

槃實瘴霧脫蠻溪清樽奉佳

客客行何以贈一語當加璧札君如此果德膏以自澤
驅攘三彭仇已我心腹疾願君如此木凜凜傲霜雪斲

為君倚几滑淨不容削物微興不淺此贈母輕擲

玉山果

本草榧實一名玉山果藝苑雌黃云予與潘伯龍食榧子言諸處皆不及玉山者方悟東

坡詩語恐是上饒玉山縣潘云玉山地名在婺之東陽縣所生榧子香脆與他處迥殊故集韻榧字註云木名有實出東陽諸郡而本草亦云出今東陽諸郡施氏補註引玉註云出信州玉山者訛斲為

几

本草又云榧一作榧其木名丈木葉似杉木如栢理如松肌細軟可為器用詩家所云榧几即此

三彭

中黃經云一者上蟲居腦中二者中蟲居明堂三者下蟲居腸胃名曰彭据彭質彭矯惡人進

道喜人退志

送胡掾

亂葉和淒雨投空如散絲流年一如此遊子去何之節
義古所重艱危方自茲他年著清德仍復畏人知

答仲屯田次韻

秋來不見漢陂岑千里詩盟忽重尋大木百圍生遠籟
朱絃三歎有遺音清風卷地收殘暑素月流天掃積陰
欲遣何人賡絕唱滿堦桐葉候蟲吟

密州宋國博以詩見紀在郡雜詠次韻答之

吾觀二宋文字字照縑素淵源皆有考竒險或難句後

來邈無繼嗣子其殆庶胡為尚流落用舍真有數當時
苟悅可慎勿笑杖杜斲窗誰赴抹袖手良優裕山城辱
吾繼缺短煩遮護昔年繆陳詩無人聊瓦注於今賡絕
唱外重中己懼何當附家集擊壤追咸護

二宋

宋史宋庠初名郊字公序安陸人弟祁字子京兄弟同舉進士禮部奏祁第一庠第三章獻太

后不欲以弟先兄擢庠第一置祁第十八呼二宋以大小別之庠練習典故擅儒雅之望祁亦能文多建白

嗣子

史譏公序愛信幼子多與小人游為御史呂誨所劾請勅庠不得以二子隨子京於皇祐

中亦坐其子從張彥方游以龍圖閣學士出知亳州則二宋之子俱不能世其家者也故先生詩中亦多

微詞

答范淳甫

按范內翰集中失原作

吾州下邑生劉季誰數區區張與李

公自注來詩有張僕射李臨淮之句

重瞳遺迹已塵埃惟有黃樓臨泗水

公自注郡有廳事俗謂之霸王廳相

傳不可坐僕拆之以蓋黃樓

而今太守老且寒俠氣不洗儒生酸猶

勝白門窮呂布欲將鞍馬事曹瞞

范淳甫

梁溪漫志范淳甫之母夢鄧禹而生子故名

相禹成都華陽人進士甲科從司馬溫公編修通鑑書成薦為秘書省正字哲宗立遷著作郎兼侍講蘇

欽定四庫全書

蘇詩補註

三六

軾稱爲講官第一。補錄施氏原註祖禹幼孤鞠於叔祖忠文公景仁元祐初自正字擢右正言修神宗實錄由著作郎兼侍講又試中書舍人自除拾遺及螭掖皆以婦父呂正獻秉政辭不拜正獻薨乃擢右諫議大夫遷給事中禮部侍郎翰林學士其議論皆聞天下大體哲宗親政忠諫日聞紹述事興言不見聽請外以龍圖學士知陝州言者論修實錄詆誣連貶永賀賓紀而卒年五十八東坡與范氏同爲蜀人而忠文敬愛其兄弟故與淳甫意好尤篤元祐中居要路志同道合相與力持國是後南遷淳甫歿於烟瘴坡於海外聞之以書弔諸子許爲志墓坡既北還淳甫亦許歸葬期諸子於道中一見竟不相遇子冲字元長高宗下邑元和郡縣志沛縣東南至徐州一百四十三里本秦舊縣取沛澤爲擢爲學士名漢興四年改爲沛郡理相城以此爲小沛魏分立譙郡又以沛國爲王國宋爲沛縣改屬徐州隋罷郡

縣屬仍舊史記高祖十二年破黥布還過沛謂沛父
老曰遊子悲故鄉吾雖都關中萬歲後吾魂魄猶樂
思沛且朕自沛公以誅暴
亂其以沛為朕湯沐邑
白門輿地志徐州南門也

次韻答王定國

每得君詩如得書
宣心寫妙書不如眼前百種無
不有知君一以詩驅除
傳聞都下十日雨青泥沒馬街
生魚舊雨來人今不來
悠然獨酌臥清虛
我雖作郡古云樂山川洵美非
吾廬願君不廢重九約
念此衰冷勤呵噓

清虛

王定國堂名本集有詩子由有記

和鮮于子駿鄆州新堂月夜二首

公自註前次韻後不次

去歲遊新堂春風雪消後池中半篙水池上千尺柳佳

人如桃李蝴蝶入衫袖山川今何許疆野

一作界

已分宿

歲月不可思駛若船放溜繁華真一夢寂寞兩榮朽惟有當時月依然照杯酒應憐船上人坐穩不知漏

鄆州

元和郡縣志漢東平國後為郡隋分交州萬安縣置鄆州宋史地理志鄆州初為京東路熙寧

七年分為東西兩路鄆州屬西路名勝志今為鄆城縣屬濟寧州宋史鮮于侁傳神宗朝自利州路轉運使判官為京東溜

鮮于子駿原作流自註云去聲先生和詩及藥城集俱作溜二字固

可通
用也

附鮮于子駿原作

原詩載宋文鑑題云新堂夜坐
月色皎然由連理亭信步亭中

徘徊久之因
為五言一首

秋風吹微涼天雨新霽後
閒齋獨隱几明月在高
柳振衣步庭下顛氣入襟袖
天空雲漢明隱約辨
列宿蒼蒼松檜上零露霏欲溜
脫葉滿閒園繁華
迨衰朽清霄望蟾影宜付
一杯酒多病謝樽壘城

頭轉寒漏

附子由次韻

長愛陶先生閒居棄官後
牀上臥看書門前自栽
柳低回顧微祿畢竟誰挽袖
索莫秋後蜂青熒曉
天宿惟將不繫舟託此春江溜
尺書慰窮獨秀句
驚枯朽遙知新堂夜明月入杯酒
千里共清光照
我茅簷漏

明月入華池
反照池上堂
堂中隱几人心與水月
涼風螢已無迹
露草時有光起
觀河漢流步屨響長廊
名都

信繁會干指調笙簧先生病不飲童子為燒香獨作五
字詩清絕如韋郎詩成月漸側皎皎兩相望

韋郎

賓退錄韋應物京兆長安人貞元十年二月由左司郎中補外得蕪州刺史年九十餘不知所

終洪容齋題跋云韋蘇州集中有詩云少事武皇帝無賴恃恩私一字都不識飲酒肆頑癡武皇升仙後憔悴被人欺讀書事已晚把筆學題詩兩府始收跡南宮繆見推非才果不容出守撫惇發云云蓋應物自序其少年事也唐史失其事不為立傳

送將官梁左藏赴莫州

燕南垂趙北際其間不合大如礪至今父老哀公孫孫

土為城鐵作門城中積穀三百萬猛士如雲驕不戰一
旦鼓角鳴地中帳下美人空掩面豈如千騎平時來笑
談聲教生風雷葛巾羽扇紅塵靜投壺雅歌清燕開東
方健兒虓虎樣泣涕懷思廉耻將彭城老守亦凄然不
見君家雪兒唱

左藏

元豐類稿興國初左藏之財既充斥始分為三
錢與金帛皆別藏典守者亦各異宋史職官志

左藏庫東西作坊使階武顯大夫西京左藏庫使階
武經大夫作坊副使階武顯郎左藏副使階武經郎
楊奐汴故官記宣徽院北曰御藥院其
北曰右藏庫右藏庫之東曰左藏庫

莫州

太平寰
宇記河

北道莫州文安郡領鄭縣在丘長豐三縣易京城在鄭縣西北三十里然則今之雄縣乃公孫瓚易京也


王註莫州

即易京訛

附子由作

樂城集題云送梁
交供備知莫州

猛士當令守四方中原諸將近相望一樽度日空
閒暇千騎臨邊自激昂談笑定先降鹵使詩書仍
得靖戎行君看宿將何承矩安用推鋒百戰場



蘇詩補註卷十六